

欽定四庫全書

子部  
湯液本草卷上

詳校官太醫院恩糧臣孔毓秀

編修臣倉聖脈覆勛

總校官檢討臣何思鈞

校對官中書臣湯垣

謄錄監生臣萬朝宗



欽定四庫全書

子部五

湯液本草

醫家類

提要

臣等謹案湯液本草三卷元王好古撰曰湯

液者取漢志湯液經方義也上卷載東垣藥

類法象用藥心法附以五宜五傷七方十劑

中下二卷以本草諸藥配合三陰三陽十二

經絡仍以主病者為首臣佐使應次之每藥

欽定四庫全書

湯液本草

之下先氣次味次入某經所謂象云者藥類

法象也心云者用藥心法也珍云者潔古珍

珠囊也其餘各家雖間有採輯然好古受業

於潔古而講肄於東垣故於二家用藥尤多

徵引焉考本草藥味不過三品三百六十五

名陶宏景別錄以下遞有增加往往有名未

用即本經所云主治亦或古今性異不盡可

從如黃連今惟用以清火解毒而經云能厚



腸胃醫家有敢遵之者哉好古此書所列皆	從名醫試驗而來雖為數無多而條例分明	簡而有要亦可云適於實用之書矣乾隆四	十六年十月恭校上	總纂官 <small>臣</small> 紀昀 <small>臣</small> 陸錫熊 <small>臣</small> 孫士毅	總校官 <small>臣</small> 陸費墀	欽定四庫全書  湯液本草		
-------------------	-------------------	-------------------	----------	---	--------------------------	--------------------	--	--



湯液本草原序

神農嘗百草立九候以正陰陽之變化以救性命之昏  
札以為萬世法既簡且要殷之伊尹宗之倍於神農得  
立法之要則不害為湯液漢張仲景廣之又倍於伊尹  
得立法之要則不害為確論金域潔古老人派之又倍  
於仲景而亦得盡法之要則不害為奇註潔古倍於仲  
景無以異仲景之倍於伊尹仲景之倍於伊尹無以異  
伊尹之倍於神農也噫宗之廣之派之雖多寡之不同

欽定四庫全書

湯液本草

其所以得立法之要則一也觀潔古之說則知仲景之  
言觀仲景之言則知伊尹之意皆不出於神農矣所以  
先本草次湯液次傷寒論次保命書闕一不可矣成無  
已明理方例云自古諸方歷歲浸遠難可考憑仲景方  
最為衆方之祖是仲景本伊尹之法伊尹本神農之方  
醫帙之中特為縝細參合古法不越毫末實大聖之所  
作也文潞公藥準云惟仲景為羣方之祖也昔唐宋以  
來得醫之名者如王叔和葛洪孫思邈范汪胡治朱奉



議王朝奉錢仲陽成無已陳無擇輩其議論方定增減  
 變易千狀萬態無有一毫不出於仲景者金域百有餘  
 載有潔古老人張元素遇至人傳祖方不傳之妙法嗣  
 是其子雲岐子張璧東垣先生李杲明之皆祖長沙張  
 仲景湯液惜乎世莫能有知者予受業於東垣老人故  
 敢以題肯丙午歲夏六月王好古序

欽定四庫全書

湯液本草



欽定四庫全書

湯液本草卷上

元 王好古 撰

五臟苦欲補瀉藥味

肝苦急急食甘以緩之甘草欲散急食辛以散之川芎  
以辛補之細辛以酸瀉之芍藥虛以生薑陳皮之類  
補之經曰虛則補其母水能生木腎乃肝之母腎水  
也苦以補腎熟地黃黃蘗是也如無他證錢氏地黃  
丸主之實則白芍藥瀉之如無他證錢氏瀉青丸主  
之實則瀉其子心乃肝之子以甘草瀉心

欽定四庫全書

湯液本草

心苦緩急食酸以收之五味子欲軟急食鹹以軟之芒  
硝以鹹補之澤瀉以甘瀉之人參黃芪甘草虛以炒  
鹽補之虛則補其母木能生火肝乃心之母肝木也  
以生薑補肝如無他證錢氏安神丸主之實則甘草  
瀉之如無他證錢氏方中重則瀉心湯輕則瀉赤散  
脾苦濕急食苦以燥之白朮欲緩急食甘以緩之甘草



以甘補之人參以苦瀉之黃連虛則以甘草大棗之類補之如無他證錢氏益黃散主之心乃脾之母以炒鹽補心實則以枳實瀉之如無他證以瀉黃散瀉之肺乃脾之子以桑白皮瀉肺

肺苦氣上逆急食苦以瀉之訶子皮一作黃芩欲收急食酸以收之白芍藥以辛瀉之桑白皮以酸補之五味子虛則以白朮補之如無他證錢氏阿膠散主之脾乃肺之母以甘草補脾實則桑白皮瀉之如無他

欽定四庫全書

湯液本草

證以瀉白散瀉之腎乃肺之子以澤瀉瀉腎

腎苦燥急食辛以潤之知母黃蘗欲堅急食苦以堅之知母以苦補之黃蘗以鹹瀉之澤瀉虛則熟地黃黃蘗補之腎本無實不可瀉錢氏止有補腎地黃丸無瀉腎之藥肺乃腎之母以五味子補肺

以上五臟補瀉內經臟氣法時論中備言之欲究其精詳看本論

臟腑瀉火藥




<p>黃連瀉心火 <small>梔子佐之</small> 木通瀉小腸火</p>	<p>黃芩瀉肺火 <small>黃連佐之</small> 黃芩瀉大腸火</p>	<p>柴胡瀉肝火 <small>黃連佐之</small> 柴胡瀉膽火 <small>亦以黃連佐之</small></p>	<p>白芍藥瀉脾火 石膏瀉胃火</p>	<p>知母瀉腎火 黃蘗瀉膀胱火</p>	<p>柴胡瀉三焦火 <small>黃芩佐之</small></p>	<p>以上諸藥各瀉其火不惟上能如此更有治病 合為君合為臣處詳其所宜而用勿執一也</p>	<p>欽定四庫全書 湯液本草</p>	<p>東垣先生藥類法象</p>	<p>天有陰陽 風寒暑濕燥火 三陰三陽上奉之</p>	<p>溫涼寒熱四氣是也溫熱者天之陽也涼寒者天之陰也此乃天之陰陽也</p>	<p>地有陰陽 金木水火土 生長化收藏下應之</p>	<p>辛甘淡酸苦鹹五味是也皆象於地辛甘淡者地</p>
---	---	--	-------------------------	-------------------------	---------------------------------------	---	------------------------	-----------------	------------------------------------	--------------------------------------	------------------------------------	----------------------------





<p>之陽也酸苦鹹者地之陰也此乃地之陰陽也</p>	<p>味之薄者為陰中之陽味薄則通酸苦鹹平是也</p>	<p>味之厚者為陰中之陰味厚則泄酸苦鹹寒是也</p>	<p>氣之厚者為陽中之陽氣厚則發熱辛甘溫熱是也</p>	<p>氣之薄者為陽中之陰氣薄則發泄辛甘淡平涼寒是也</p>	<p>輕清成象 <small>味薄茶之類</small> 本乎天者親上</p>	<p>重濁成形 <small>味厚大黃之類</small> 本乎地者親下</p>	<p>氣味辛甘發散為陽 酸苦湧泄為陰</p>	<p>欽定四庫全書 湯液本草</p>	<p>清陽發腠理 清之清者也</p>	<p>清陽實四肢 清之濁者也</p>	<p>濁陰歸六腑 濁之濁者也</p>	<p>濁陰走五臟 濁之清者也</p>	<p>藥性要旨</p>	<p>苦藥平升 微寒平亦升</p>	<p>甘辛藥平降 甘寒瀉火</p>	<p>苦寒瀉濕熱 苦甘寒瀉血熱</p>
---------------------------	----------------------------	----------------------------	-----------------------------	-------------------------------	---	--	----------------------------	------------------------	------------------------	------------------------	------------------------	------------------------	-------------	-----------------------	-----------------------	-------------------------



<p>氣味厚薄寒熱陰陽圖</p> <p>白虎之井</p>  <p>調胃之井</p>	<p>桂枝之井</p> <p>柴胡之井</p> <p>欽定四庫全書</p> <p>湯液本草</p>	<p>升降者天地之氣交</p> <p>茯苓淡為在天之陽也陽當上行何為利水而泄下經云氣之薄者乃陽中之陰所以茯苓利水而泄下然而泄下亦不利乎陽之體故入手太陽麻黃苦為在地之陰也陰當下行何為發汗而升上經云味之薄者乃陰中之陽所以麻黃發汗而升上亦不利乎陰之體故入手太陰附子氣之厚者乃陽中之陽故經云發熱大黃味之厚者乃陰中之陰故經云泄下粥淡為陽中之陰</p>
---	---	--



所以利小便茶苦為陰中之陽所以清頭目	用藥升降浮沉補瀉法	肝膽 味辛補酸瀉 氣溫補涼瀉 <small>肝膽之經前後寒熱不同逆順互換入求責法</small>	心小腸 味鹹補甘瀉 氣熱補寒瀉 <small>三焦命門補瀉同</small>	脾胃 味甘補苦瀉 氣溫涼寒熱補瀉各從其宜 <small>逆順互換入求責法</small>	肺大腸 味酸補辛瀉 氣涼補溫瀉	腎膀胱 味苦補酸瀉 氣寒補熱瀉	五臟更相平也一臟不平所勝平之此之謂也	欽定四庫全書 湯液本草	故云安穀則昌絕穀則亡水去則榮散穀消則	衛亡榮散衛亡神無所主又仲景云水入於經	其血乃成穀入於胃脈道乃行故血不可不養	衛不可不溫血溫衛和榮衛安常有天命矣	五味所用	苦泄 甘緩 酸收 鹹軟 淡滲泄	辛散	藥類法象
-------------------	-----------	--	--	--	-----------------	-----------------	--------------------	----------------	--------------------	--------------------	--------------------	-------------------	------	-----------------	----	------



紅藍花 味氣辛溫 味氣辛	茴香 味氣辛平	白荳蔻 大氣辛熱 味	厚朴 味氣辛溫	桂枝 甘氣辛熱 味	乾生薑 味氣辛溫	黑附子 大氣辛熱 味	熱浮長也 氣之厚者陽中之陽氣厚則發熱辛甘溫熱是也	前胡 味氣微寒	秦艽 苦氣微溫 味	蔓荊子 味氣清	白芷 大氣辛溫 味	獨活 苦氣微溫 味	羌活 苦氣微溫 味	防風 味純陽性溫	風升生 味之薄者陰中之陽味薄則通酸苦鹹平是也
神麩 味氣甘大緩	延胡索 味氣辛溫	川椒 味氣大熱 味	木香 苦氣辛熱 味	草荳蔻 大氣辛熱 味	良薑 本氣熱甘辛 味	烏頭 大氣辛熱 味	湯液本草	薄荷 苦氣辛溫 味	荊芥 苦氣辛溫 味	川芎 味氣辛溫	藁本 大氣辛溫 味	細辛 大氣辛溫 味	葳靈仙 味氣苦溫	升麻 微氣苦平 味	
	縮砂 味氣辛溫	吳茱萸 苦氣辛熱 味	益智 大氣辛熱 味	丁香 味氣辛溫	一肉桂 大氣辛熱 味	乾薑 大氣辛熱 味			麻黃 甘氣苦溫 味	天麻 味氣苦平	鼠粘子 味氣辛平	桔梗 味氣甘微溫	葛根 味氣甘平	柴胡 苦氣苦平 味	



連翹 味甘平 味苦	地骨皮 氣寒 味苦	犀角 氣寒 味酸	天門冬 氣寒 味微苦	燈心草 氣平 味甘	滑石 氣寒 味甘	茯苓 氣平 味甘	燥降收 氣之薄者 涼是也	欽定四庫全書 湯液本草	桃仁 氣溫 味甘苦	訶子 氣溫 味苦	菝葜 氣溫 味苦	青皮 氣溫 味辛	白朮 氣溫 味甘	當歸 氣溫 味辛	黃芪 氣溫 味甘	濕化成 戊濕其本 已上其本 其味鹹其 兼氣溫涼 寒熱在人 以胃應之
枳實 氣寒 味酸	枳殼 氣寒 味苦	烏梅 氣平 味酸	白芍藥 氣微寒 味酸	五味子 氣溫 味酸	瞿麥 氣寒 味平	澤瀉 氣平 味甘	蘇木 氣平 味酸	紫草 氣寒 味苦	杏仁 氣溫 味甘苦	京三稜 氣平 味苦	藿香 氣微溫 味甘辛	蒼朮 氣溫 味甘	熟地黃 氣寒 味苦	人參 氣溫 味甘	甘草 氣平 味甘	
木通 氣平 味甘	琥珀 氣平 味甘	牡丹皮 氣寒 味苦	麥門冬 氣寒 味微苦	桑白皮 氣寒 味酸	車前子 氣寒 味甘	猪苓 氣寒 味甘	蘇木 一作 味酸	蘇木 一作 味酸	大麥蘗 氣溫 味鹹	阿膠 氣微溫 味甘辛	檳榔 氣溫 味辛	陳皮 氣微溫 味苦	半夏 氣微寒 味辛平			



病者必先治其本後治其標若先治其標後治其本邪 有標本也以病論之先受病為本後傳流病為標凡治 臟腑經絡之標本也更人生之臟腑陰陽氣血經絡各 標本也又臟腑在內為本各臟腑之經絡在外為標此 標陰為本故六腑屬陽為標五臟屬陰為本此臟腑之 夫治病者當知標本以身論之則外為標內為本陽為 地陰有方血下內降殺沈夜靜重濕五臟 天陽無圓氣上外升生浮晝動輕燥六腑 夫治病者當知標本以身論之則外為標內為本陽為 地陰有方血下內降殺沈夜靜重濕五臟 天陽無圓氣上外升生浮晝動輕燥六腑	寒沉藏也 味之厚者陰中之陰味厚則泄酸苦鹹氣寒是
	大黃 氣寒 味苦
	黃連 氣寒 味苦
	石膏 氣寒 味辛
	草龍膽 氣寒 味苦
	黃芩 氣寒 味苦
	生地黃 氣寒 味苦
	知母 氣寒 味辛
	防己 氣寒 味苦
	茵陳 氣微寒 味苦
牡蠣 氣微寒 味鹹平	
玄參 氣寒 味微苦	
瓜蒌根 氣寒 味苦	
山梔子 氣寒 味微苦	
川練子 氣寒 味苦平	
香鼓 氣寒 味苦	
地榆 氣微寒 味甘鹹	

標本陰陽論

欽定四庫全書

湯液本草



氣滋甚其病益畜若先治其本後治其標雖病有十數  
證皆去矣謂如先生輕病如是則邪氣乃伏蓋先治本  
故也若有中滿無問標本先治中滿謂其急也若中滿  
後有大小便不利亦無問標本先利大小便次治中滿  
謂尤急也除大小便不利及中滿三者之外皆治其本  
不可不慎也從前來者為實邪從後來者為虛邪此子  
能令母實母能令子虛是也治法云虛則補其母實則  
瀉其子假令肝受心火之邪是從前來者為實邪當瀉

欽定四庫全書

湯液本草

其子火也然非直瀉其火十二經中各有金木水火土  
當木之分瀉其火也故標本論云本而標之先治其本  
後治其標既標受火邪先於肝經五穴中瀉榮心行間  
穴是也後治其標者於心經五穴中瀉榮火少府穴是  
也以藥論之入肝經藥為之引用瀉心火藥為君是治  
實邪之病也假令肝受腎邪是從後來者為虛邪虛則  
當補其母故標本論云標而本之先治其標後治其本  
既受木邪當先於腎經湧泉穴中補木是先治其標後



於肝經曲泉穴中瀉水是後治其本此先治其標者推其至理亦是先治其本也以藥論之入腎經藥為引用補肝經藥為君是也

五方之正氣味

制方用藥附

東方甲風乙木其氣溫其味甘在人以肝膽應之

南方丙熱丁火其氣熱其味辛在人以心小腸三焦包絡應之

中央戊濕其本氣平其兼氣溫涼寒熱在人以胃應之

欽定四庫全書

湯液本草

中央巳土其本味鹹其兼味辛甘酸苦在人以脾應之

西方庚燥辛金其氣涼其味酸在人以肺大腸應之

北方壬寒癸水其氣寒其味苦在人以腎膀胱應之

人乃萬物中之一也獨陽不生獨陰不長須稟兩儀之氣而生化也聖人垂世立教不能渾說必當分析以至理而言則陰陽相附不相離其實一也呼則因陽出吸則隨陰入天以陽生陰長地以陽殺陰藏此上說止明補瀉用藥君之一也故曰主病者為君用藥之機會要





明輕清成象重濁成形本乎天者親上本乎地者親下  
則各從其類也清中清者清肺以助其天真清中濁者  
榮華腠理濁中清者榮養於神濁中濁者堅強骨髓故  
至真要大論云五味陰陽之用辛甘發散為陽酸苦湧  
泄為陰淡味滲泄為陽鹹味湧泄為陰六者或收或散  
或緩或急或燥或潤或軟或堅各以所利而行之調其  
氣使之平也詳見末論

東垣先生用藥心法

欽定四庫全書

湯液本草

隨證治病藥品

如頭痛須用川芎如不愈各加引經藥

太陽川芎  
太陽蒼朮

陽明白芷  
少陰細辛

少陽柴胡  
厥陰吳茱萸

如頂巔痛須用藁本去川芎

如肢節痛須用羌活去風濕亦宜用之

如腹痛須用芍藥惡寒而痛加桂惡熱而痛加黃蘗

如心下痞須用枳實黃連

如肌熱及去痰者須用黃芩肌熱亦用黃芪



如腹脹用薑制厚朴 <small>一本有芍藥</small>	如虛熱須用黃芪止虛汗亦用	如脇下痛往來潮熱日晡潮熱須用柴胡	如脾胃受濕沈困無力怠惰好臥去痰用白朮	如破滯氣用枳殼高者用之夫枳殼者損胸中至高之氣二三服而已	如破滯血用桃仁蘇木	如補血不足須用甘草	欽定四庫全書 湯液本草	如去痰須用半夏熱痰加黃芩風痰加南星脅中寒痰痞塞用陳皮白朮多用則瀉脾胃	如腹中窄狹須用蒼朮	如調氣須用木香	如補氣須用人參	如和血須用當歸凡血受病者皆當歸也	如心下焦濕腫及痛并膀胱有火邪者必須酒洗防已草龍膽黃蘗知母
----------------------------------	--------------	------------------	--------------------	-----------------------------	-----------	-----------	----------------	------------------------------------	-----------	---------	---------	------------------	------------------------------



如去上焦濕及熱須用黃芩瀉肺火故也

如去中焦濕與痛熱用黃連能瀉心火故也

如去滯氣用青皮勿多服多則瀉人真氣

如渴者用乾葛茯苓禁半夏

如嗽者用五味子

如喘者用阿膠

如宿食不消須用黃連枳實

如胃中煩熱須用梔子仁

欽定四庫全書

湯液本草

如水瀉須用白朮茯苓芍藥

如氣刺痛用枳殼看何部分以引經藥導使之行則

可

如血刺痛用當歸詳上下用根梢

如瘡痛不可忍者用寒苦藥如黃蘗黃芩詳上下用

根梢及引經藥則可

如眼痛不可忍者用黃連當歸根以酒浸煎

如小便黃者用黃蘗數者澁者或加澤瀉



如腹中實熱用大黃芒硝
如小腹痛用青皮
如莖中痛用甘草梢
如驚悸恍惚用茯神
如飲水多致傷脾用白朮茯苓猪苓
如胃脘痛用草薹蔻
凡用純寒純熱藥必用甘草以緩其力也寒熱相雜亦用甘草調和其性也中滿者禁用經云
欽定四庫全書 湯液本草
中滿者勿食甘
用藥凡例
凡解利傷風以防風為君甘草白朮為佐經云辛甘發散為陽風宜辛散防風味辛及治風通用故防風為君甘草白朮為佐
凡解利傷寒以甘草為君防風白朮為佐是寒宜甘緩也或有別證於前隨證治病藥內選用分兩以君臣
論



凡眼暴發赤腫以防風黃芩為君以瀉火以黃連當歸  
根和血為佐兼以各經藥用之

凡眼久病昏暗以熟地黃當歸根為君以羌活防風為  
臣甘草甘菊之類為佐

凡痢疾腹痛以白芍藥甘草為君當歸白朮為佐見血  
先後以三焦熱論

凡水瀉以茯苓白朮為君芍藥甘草為臣

凡諸風以防風為君隨治病為佐

欽定四庫全書

湯液本草

凡嗽以五味子為君有痰者以半夏為佐喘者以阿膠  
為佐有熱無熱一以黃芩為佐但分兩多寡不同耳

凡小便不利黃蘗知母為君茯苓澤瀉為佐

凡下焦有濕草龍膽防己為君甘草黃蘗為佐

凡痔漏以蒼朮防風為君甘草芍藥為佐詳別證加減

凡諸瘡以黃連當歸為君甘草黃芩為佐

凡瘧以柴胡為君隨所發時所屬經分用引經藥佐之

以上皆用藥之大要更詳別證於前隨證治病



藥內逐旋加減用之		東垣報使		太陽		羌活		下黃蘗	
陽明		白芷升麻		少陽		柴胡		青皮	
太陰		白芍藥		少陰		知母		厥陰	
厥陰		青皮		柴胡		欽定四庫全書		湯液本草	
小腸膀胱屬太陽		藁本羌活是本方		三焦膽與肝包絡		少陽厥陰柴胡強		陽明大腸兼足胃	
葛根白芷升麻當		太陰肺脈中焦起		白芷升麻葱白鄉		脾經少與肺經異		升麻芍藥白者詳	
少陰心經獨活主		腎經獨活加桂良		通經用此藥為主		更有何病到膏肓		諸經嚮導	



<p>辰足胃圖導齋 經明陽齋 手卯</p> <p>丁香 草薹寇 硝砂 防風 石膏          知母 白朮 神麴 葛根 烏藥          半夏 蒼朮 升麻 白芷 蔥白</p>	<p>升麻 白芷 麻仁 秦朮 麩白          白石脂 硝砂<small>白石脂為使</small> 肉荳蔻 石膏</p>	<p>防風 當歸 桑葉 硝砂<small>人參益智為使</small>          益智 黃芪 蒼朮 膠飴          代赭石 赤茯苓 麻仁 甘草 半夏</p>	<p>山藥 粳米 白茯苓 五味子 天門冬          阿膠 麥門冬 桑白皮 杏仁 蔥白          麻黃 丁香 益智 白荳寇 知母          硝砂<small>檀香其氣為使</small> 梔子 黃芪 石膏</p>
<p>麻黃 大黃 連翹 升麻 白芷 葛根          石膏 白朮 檀香<small>佐以他藥</small> 白芷升麻<small>下石膏</small></p>		<p>白芍藥 酒浸 延胡索 硝砂          升麻 芍藥 木瓜 藿香</p>	

欽定四庫全書 湯液本草 卷上 六



<p>五肝足圖導嚮 經陰厥手腕戌</p>	<p>欽定四庫全書</p>	<p>子膽足圖導嚮 經陽少手煎亥</p>	<p>子</p>
<p>草龍膽 蔓荊子 阿膠 瞿麥 桃仁              山茱萸 代赭石 紫石英 當歸 甘草              青皮 羌活 吳茱萸 白朮</p>	<p>敗醬 沙參 白朮 紫胡 熟地黃 牡丹皮</p>	<p>半夏 草龍膽 紫胡</p>	<p>川芎 紫胡 青皮 白朮 熟地黃              黃耆 地黃皮 石膏 細辛 附子</p>
<p>紫胡 川芎 皂角 桃仁 茗茶</p>	<p>青皮上紫胡 熟地黃</p>	<p>連翹 紫胡下青皮</p>	<p>青皮 川芎 紫胡</p>





<p>右腎 酉腎 足圖 導嚮 經陰少手心午</p>		<p>欽定四庫全書</p> <p>湯液本草 卷上</p> <p>三</p>	<p>申 腕 足圖 導嚮 經陽太手腸小未</p>	
<p>附子 沉香 益智 黃耆</p> <p>知母 黃蘗 地骨皮 阿膠 猪脬</p> <p>牡丹皮 玄參 敗醬 牡蠣 烏藥</p> <p>山茱萸 天門冬 猪苓 澤瀉 白茯苓</p> <p>檀香 甘草 五苓散 萊菔 益智</p> <p>丁香 獨活 桔梗 藜蘆 硝砂 黃蘗 枝 桑 槐</p>			<p>澤瀉 杜枝 黃蘗 羌活 麻黃</p> <p>蔓荊子 滑石 茵陳 白茯苓 猪苓</p> <p>白朮 澤瀉 防己 大黃 藜蘆 羌活 黃蘗</p>	
<p>地榆 附子 知母 白朮</p>		<p>細辛 熟地黃 五味子 澤瀉</p>		



製方之法

夫藥有寒熱溫涼之性酸苦辛鹹甘淡之味各有所能不可不通也藥之氣味不比同時之物味皆鹹其氣皆寒之類是也凡同氣之物必有諸味之物必有諸氣互相氣味各有厚薄性用不等製其方者必且明其為用經曰味為陰味厚為純陰味薄為陰中之陽氣為陽氣厚為純陽氣薄為陽中之陰然味厚則泄薄則通氣薄則發泄厚則發熱又曰辛甘發散為陽酸苦湧泄為陰鹹味湧泄為陰淡味滲泄為陽凡此之味各有所能然辛能散結潤燥苦能燥濕軟堅酸能收緩收散甘能緩急淡能利竅故經曰肝苦急急食甘以緩之心苦緩急急食酸以收之脾苦濕急急食苦以燥之肺苦氣上逆急急食苦以泄之腎苦燥急急食辛以潤之開腠理致津液通其氣也肝欲散急急食辛以散之心欲軟急急食鹹以軟之脾欲緩急急食甘以緩之肺欲收急急食酸以收之腎欲堅急急食苦以堅之凡此者是明其氣味之用也若用其味

欽定四庫全書

湯液本草



必明其氣之可否用其氣必明其味之所宜識其病之標本臟腑寒熱虛實燥濕緩急而用其藥之氣味隨其證而製其方也是故方有君臣佐使輕重緩急君臣大小反正逆從之制也主治病者為君佐君者為臣應臣者為使用此隨病之所宜而又贊成方而用之君一臣二奇之制也君二臣四偶之制也君二臣三奇之制也君二臣六偶之制也去咽嗝近者奇之遠者偶之汗者不奇下者不偶補上治上制之以緩補下治下制之以

欽定四庫全書

湯液本草

急急者氣味厚也緩者氣味薄也薄者少服而頻食厚者多服而頓食又當明五氣之鬱木鬱達之謂吐令條達也火鬱發之謂汗令疎散也土鬱奪之謂下無壅滯也金鬱泄之謂解表泄小便也水鬱析之謂制其衝逆也通此五法乃治病之大要也

用藥各定分兩

為君者最多為臣者次之佐者又次之藥之於證所主同者則等分



用藥酒洗曝乾

黃芩黃連黃蘗知母病在頭面及手稍皮膚者須用酒炒之借酒力以上騰也咽之下臍之上須酒洗之在下生用大凡生升熟降大黃須煨恐寒則損胃氣至於川烏附子須炮以制毒也黃蘗知母下部藥也以弱之人須合用之者酒浸曝乾恐寒傷胃氣也熟地黃酒洗亦然當歸酒浸助發散之意也

用藥根梢身例

欽定四庫全書  
湯液本草

凡根之在土者中半已上氣脈之上行也以生苗者為根中半已下氣脈之下行也入土者為梢病在中焦與上焦者用根在下焦者用梢根升而梢降大凡藥根有上中下人身半已上天之陽也用頭在中焦用身在身半已下地之陰也用梢述類象形者也

用圓散藥例

仲景言剉如麻豆大與呶咀同意夫呶咀古之制也古者無鐵刃以口咬細令如麻豆為粗藥煎之使藥水清



<p>飲於腹中則易升易散也此所謂呶咀也今人以刀器 剉如麻豆大此呶咀之易成也若一槩為細末不分清 濁矣經云清陽發腠理濁陰走五臟果何謂也又曰清 陽實四肢濁陰歸六府呶咀之藥取汁易行經絡也若 治至高之病加酒煎去濕以生薑補元氣以大棗發散 風寒以葱白去膈上痰以蜜細末者不循經絡止去胃 中及臟腑之積氣氣味厚者白湯調氣味薄者煎之和 粗服去下部之疾其丸極大而光且圓治中焦者次之</p>	<p>欽定四庫全書</p>	<p>湯液本草</p>
<p>治上焦者極小稠麪糊取其遲化直至下焦或酒或醋 取其收散之意也犯半夏南星欲去濕者以生薑汁稀 糊為圓取其易化也水浸宿炊餅又易化滴水圓又易 化煉蜜圓者取其遲化而氣循經絡也蠟圓者取其難 化而旋旋取效也大抵湯者盪也去大病用之散者散 也去急病用之圓者緩也不能速去之其用藥之舒緩 而治之意也</p>	<p>升合分兩</p>	



古之方劑鎰銖分兩與今不同謂如呶咀者即今劉如麻豆大是也云一升者即今之大白盞是也云銖者六銖為一分即二錢半也二十四銖為一兩也云三兩者即今之一兩云二兩即今之六錢半也料例大者只合三分之一足矣

君臣佐使法

帝曰方制君臣何謂也岐伯曰主病之謂君佐君之謂臣應臣之謂使非上中下三品之謂也帝曰三品何謂曰所以明善惡之殊貫也

欽定四庫全書

湯液本草

凡藥之所用者皆以氣味為主補瀉在味隨時換氣主病者為君假令治風者防風為君治上焦熟黃芩為君治中焦熟黃連為君治濕防己治寒附子之類為君兼見何證以佐使藥分宜也

治法綱要



氣交變論云夫五運之政猶權衡也高者抑之下者舉之化者應之變者復之此生長化成收藏之理氣之常也失常則天地四塞矣失常之理則天地四時之氣無所運行故動必有靜勝必有復乃天地陰陽之道也假令高者抑之非高者固當抑也以其本下而失之太高故抑之而使下若本高何抑之有假令下者舉之非下者固當舉之也以其本高而失之太下故舉而使之高若本下何舉之有如仲景治表虛製桂枝湯方桂枝味

欽定四庫全書

湯液本草

辛熱發散助陽體輕本乎天者親上故桂枝為君芍藥甘草為佐陽脈潛陰脈弦法當腹中急痛製小建中湯方芍藥味酸寒主收補中本乎地者親下故芍藥為君桂甘草佐之一則治表虛一則治裏虛各言其主用也後之用古方者觸類而長之不致差誤矣

藥味專精

至元庚辰六月許伯威年五十四中氣本弱病傷寒八九日醫者見其熱甚以涼藥下之又食梨三四枚痛傷



脾胃四肢冷時發昏憤予診其脈動而中止有時自還  
乃結脈也心亦悸動吃噫不絕色變青黃精神減少目  
不欲開倦卧惡人語咲以炙甘草湯治之成無己云補  
可去弱人參大棗之甘以補不足之氣桂枝生薑之辛  
以益正氣五臟痿弱榮衛涸流濕劑所以潤之麻仁阿  
膠麥門冬地黄之甘潤經益血復脈通心是也加以人  
參桂枝急扶正氣生地黄減半恐傷陽氣剉一兩劑服  
之不効予再候之脈證相對莫非藥有陳腐者致不効

欽定四庫全書

湯液本草

乎再市藥之氣味厚者煎服其證減半再服而安凡藥  
之昆蟲草木產之有地根葉花實採之有時失其地則  
性味少異矣失其時則氣味不全矣又况新陳之不同  
精粗之不等倘不擇而用之其不効者醫之過也內經  
曰司歲備物氣味之專精也修合之際宜知謹焉

### 湯液煎造

病人服藥必擇人煎藥能識煎熬制度須令親信恭誠  
至意者煎藥銚器除油垢腥穢必用清淨甜水為上量





水大小斟酌以慢火煎熬分數用紗濾去粗取清汁服之無不效也

古人服藥活法

在上不厭頻而少在下不厭頓而多少服則滋榮於上多服則峻補於下

古人服藥有法

病在心上者

先食而後藥

病在心下者

先藥而後食

欽定四庫全書

湯液本草

病在四肢者

宜饑食而在旦

病在骨髓者

宜飽食而在夜

察病輕重

凡欲療病先察其源先候其機五臟未虛六腑未竭血脈未亂精神未散服藥必效若病已成可得半愈病勢已過命將難存自非明醫聽聲察色至於診脈孰能知未病之病乎

海藏老人湯液本草



五宜

肝色青宜食甘粳米牛肉棗葵皆甘

心色赤宜食酸犬肉麻李蕝皆酸

肺色白宜食苦小麥羊肉杏薤皆苦

脾色黃宜食鹹大豆豕肉栗藿皆鹹

腎色黑宜食辛黃黍雞肉桃葱皆辛

毒藥攻邪

五穀為養

五果為助

五畜為益

五菜為充

欽定四庫全書

湯液本草

氣味合而服之以補清益氣此五者有辛酸甘

苦鹹各有所利或散或收或緩或急或堅或軟

四時五臟病隨五味所宜也

大毒治病十去其六常毒治病十去其七小毒治病十

去其八無毒治病十去其九穀肉果菜食養盡之無使

過之傷其正也蓋陰之所傷本在五味陰之五宮傷在

五味是故味過於酸肝氣以津脾氣乃絕味過於鹹大

骨氣勞短肌心氣抑味過於甘心氣喘滿色黑腎氣不



<p>衡味過於苦脾氣不濡胃氣乃厚味過於辛筋脈沮弛 精神廼央是故謹和五味骨正筋柔氣血以流腠理以 密如是則氣骨以精謹道如法長有天命</p>	<p>五傷</p>	<p>多食鹹</p> <p>則脈凝泣而變色</p>	<p>多食苦</p> <p>則皮槁而毛拔</p>	<p>多食辛</p> <p>則筋急而爪枯</p>	<p>多食酸</p> <p>則肉胝胸而唇揭</p>	<p>欽定四庫全書</p> <p>湯液本草</p>	<p>多食甘</p> <p>則骨痛而髮落</p>	<p>五走</p>	<p>鹹走血</p> <p>血病毋多食鹹</p>	<p>苦走骨</p> <p>骨病毋多食苦</p>	<p>辛走氣</p> <p>氣病毋多食辛</p>	<p>酸走筋</p> <p>筋病毋多食酸</p>	<p>甘走肉</p> <p>肉病毋多食甘</p>	<p>夫五味入胃各歸所喜故酸先入肝苦先入心甘先入</p>
---	-----------	---------------------------	--------------------------	--------------------------	---------------------------	---------------------------	--------------------------	-----------	--------------------------	--------------------------	--------------------------	--------------------------	--------------------------	------------------------------



脾辛先入肺鹹先入腎久而增氣物化之常也氣增而久天之由也

服藥可慎

熱中消中不可服膏粱芳草石藥夫芳草之氣烈石藥之氣悍二者其氣急疾堅勁故非緩心和人不可以服此夫熱氣慄悍藥氣亦然二者相遇恐內傷脾脾者土也而惡木服此藥者至甲乙日更論

論藥所主

欽定四庫全書

湯液本草

海藏云湯液要藥最為的當其餘方論所著雜例比之湯液稍異何哉蓋伊尹仲景取其治之長也其所長者神農之所著也何以知之本草云一物主十病取其偏長為本又當取潔古珍珠囊斷例為準則其中藥之所主不必多言只一兩句多則不過三四句非務簡也亦取其所主之偏長故不為多也

天地生物有厚薄堪用不堪用



<p>厥陰 風化 酸化水                  少陰 熱化 苦化火                  太陰 濕化 甘化土                  少陽 火化 苦化火                  陽明 燥化 辛化金                  太陽 寒化 鹹化水</p> <p>司地氣故物化從                  酸 甘 苦 辛 鹹</p>	<p>故治病者必明六化分治五味五色所生五臟所宜迺                  可以言盈虛病生之緒也謹候氣無失病機其主病何                  如言採藥之歲也司歲備物則無遺主矣先歲物何也</p>	<p>欽定四庫全書                  湯液本草</p>	<p>天地之專精也專精之氣藥物肥膿又於使用其正                  氣味也五運主歲不足則物薄有餘則物精非專精則                  散氣散氣則物不純是以質同而異等形質雖同力用                  則異也氣味有厚薄性用有躁靜治化有多少力化有                  淺深此之謂也</p>	<p>氣味生成流布</p>	<p>陽為氣陰為味味歸形形歸氣氣歸精精歸化精食氣                  形食味化生精氣生形味傷形氣傷精精化為氣氣傷</p>
---	--	---	--	---------------	---



於味陰味出下竅陽氣出上竅味厚者為陰薄為陰中  
 之陽厚則泄薄則通氣厚者為陽薄為陽中之陰薄則  
 發泄厚則發熱壯火之氣衰少火之氣壯壯火食氣氣  
 食少火壯火散氣少火生氣天食人以五氣地食人以  
 五味五氣入鼻藏於心肺上使五色修明音聲能彰五  
 味入口藏於腸胃味有所藏以養五氣氣和而生津液  
 相成神乃自生

欽定四庫全書

湯液本草

火位之氣

甘瀉 鹹補

之客

鹹補 甘瀉

少之勝

辛寒

苦鹹

甘瀉

之復

鹹寒

佐

苦辛

甘瀉

酸收

毒發

陰在泉

淫於內

治以

鹹寒

甘苦

酸收

苦發

熱

淫所勝

平以

酸寒

以

苦甘

酸收

司天



<p>火位之主                  之容                  少之勝                  之復                  陽在泉                  淫收內治以鹹冷                  以                  司天                  淫所勝平以鹹冷                  以                  鹹冷                  苦辛                  酸收                  苦發                  酸復之</p>	<p>欽定四庫全書                  湯液本草                  卷上                  三十四</p>	<p>濕                  燥                  寒                  化天                  治以                  鹹寒                  苦寒                  佐以                  苦甘                  鹹辛                  苦寒                  佐以                  苦甘                  鹹辛</p> <p style="text-align: center;">熱反勝之</p> <p>濕                  燥                  寒                  司地                  治以                  平寒                  佐以                  苦甘                  鹹平之                  以和為利</p>
--	--	--



<p>風 化司地 天清 反勝之 治以 酸溫佐 苦甘 辛平</p>	<p>金位之主 陽之客 之勝 之復 明在泉 司天燥 淫所勝 平以 苦溫以 酸辛 苦下 辛溫佐 苦甘 苦泄 苦下 鹹補</p>	<p>欽定四庫全書 湯液本草 卷上 三五</p>	<p>水征之主 厥之客 之勝 之復 陰在泉 司天風 淫所勝 平以 辛涼以 苦甘 甘緩 酸瀉 酸瀉 酸瀉 辛散 甘清佐 苦辛 甘辛 甘緩 酸瀉 酸瀉 酸瀉 辛散 辛補 酸瀉 甘緩 酸瀉 辛補 酸瀉 甘緩</p>
--	--	--------------------------------------	--





		欽定四庫全書			
		湯液本草			
		卷上			
		三十一			
<p>陰 司天 濕 二甚而熱 治以 苦溫 佐以 甘辛 以汗為故而止</p>	<p>在泉 淫所勝 平以 苦熱 佐以 酸辛 苦燥 淡之</p>	<p>太 之勝 淫于內 治以 苦熱 以 酸淡 苦燥 淡之</p>	<p>之客 鹹熱 佐 酸辛 苦燥 淡之</p>	<p>土位之主 鹹熱 佐 酸辛 苦燥 淡之</p>	<p>水 位 之 主 鹹 瀉 苦 補</p>
<p>陽 司天 寒 淫所勝 平以 辛熱 以 苦甘 鹹瀉</p>	<p>在泉 淫于內 治以 甘熱 以 苦辛 鹹瀉 辛潤 苦堅</p>	<p>太 之勝 鹹熱 佐 甘辛 苦堅</p>	<p>之客 苦熱 佐 辛酸 鹹瀉 苦補 鹹瀉</p>	<p>水 位 之 主 鹹 瀉 苦 補</p>	<p>水 位 之 主 鹹 瀉 苦 補</p>



<p>緩 補上治上制以緩緩則氣味薄</p>	<p>心肺位近服湯散不厭頻而少</p>	<p>近而奇偶制小其服也小則數多多則九之</p>	<p>小 君一臣二制之小也</p>	<p>腎肝位遠服湯散不厭頓而多</p>	<p>遠而奇偶制大其服也大則數少少則二之</p>	<p>大 君一臣三佐九制之大也</p>	<p>七方</p>	<p>欽定四庫全書 湯液本草</p>	<table style="width: 100%; border: none;"> <tr> <td style="text-align: center;">火 化天</td> <td style="text-align: center;">熱</td> <td style="text-align: center;">寒反勝之治以</td> <td style="text-align: center;">佐以</td> <td style="text-align: center;">水 司地</td> <td style="text-align: center;">熱</td> </tr> <tr> <td style="text-align: center;">甘温</td> <td style="text-align: center;">甘温</td> <td></td> <td></td> <td style="text-align: center;">甘熱</td> <td style="text-align: center;">甘熱</td> </tr> <tr> <td style="text-align: center;">苦辛</td> <td style="text-align: center;">苦辛</td> <td></td> <td></td> <td style="text-align: center;">苦辛</td> <td style="text-align: center;">苦辛</td> </tr> <tr> <td></td> <td></td> <td></td> <td></td> <td style="text-align: center;">鹹平之</td> <td style="text-align: center;">鹹平之</td> </tr> </table>	火 化天	熱	寒反勝之治以	佐以	水 司地	熱	甘温	甘温			甘熱	甘熱	苦辛	苦辛			苦辛	苦辛					鹹平之	鹹平之
火 化天	熱	寒反勝之治以	佐以	水 司地	熱																												
甘温	甘温			甘熱	甘熱																												
苦辛	苦辛			苦辛	苦辛																												
				鹹平之	鹹平之																												



濕	燥	澁	滑	重	輕	瀉	補	欽定四庫全書	通	宣	複	偶	奇	急
可以去枯白石英紫石英之屬是也	可以去濕桑白皮赤小豆之屬是也	可以去脫牡蠣龍骨之屬是也	可以去著冬葵子榆白皮之屬是也	可以去怯磁石鐵漿之屬是也	可以去實麻黃葛根之屬是也	可以去閉葶藶大黃之屬是也	可以去弱人參羊肉之屬是也	湯液本草	可以去滯木通防己之屬是也	可以去壅薑橘之屬是也	奇之不去則偶之是為重方也	君二臣四偶之制也君二臣六偶之制也陰數偶	君一臣二奇之制也君二臣三奇之制也陽數奇	治客以急急則治其標
														治主以緩緩則治其本



<p>只如此體皆有所屬凡用藥者審而詳之則靡所失矣陶隱居云藥有宣通補瀉輕重滑澀燥濕此十劑今詳之惟寒熱二種何獨見遺今補二種以盡厥旨</p> <p>寒 可以去熱大黃砒硝之屬是也</p> <p>熱 可以去寒附子官桂之屬是也</p>	<p>欽定四庫全書</p> <p>湯液本草</p>	<p>湯液本草卷上</p>
---	---------------------------	---------------



欽定四庫全書

子部  
湯液本草卷中

詳校官太醫院恩糧臣孔毓秀

編修臣倉聖脈覆勛

總校官檢討臣何思鈞

校對官中書臣湯垣

謄錄監生臣萬朝宗



字乳金瘡內瘻	周身骨節疼痺煩滿脇痛脇風頭面去來四肢攣急	本草云主大風頭眩痛惡風風邪目盲無所見風行	心云又去濕之仙藥也風能勝濕爾	珍云身去身半已上風邪梢去身半已下風邪	之仙藥也誤服瀉人上焦元氣去蘆并釵服用	象云治風通用瀉肺實散頭目中滯氣除上焦風邪	太陽經本經藥	欽定四庫全書 湯液本草	足太陰脾經乃二經之行經藥	足陽明胃經	純陽 性溫 味甘辛 無毒	防風	草部	元 王好古 撰	湯液本草卷中	欽定四庫全書
--------	----------------------	----------------------	----------------	--------------------	--------------------	----------------------	--------	----------------	--------------	-------	--------------	----	----	---------	--------	--------



東垣云防風能制黃芪黃芪得防風其功愈大又云

防風乃卒伍卑賤之職隨所引而至乃風藥中潤劑

也雖與黃芪相制乃相畏而相使者也

本草又云得澤瀉藁本療風得當歸芍藥陽起石禹

餘糧療婦人子臟風殺附子毒乾薑藜蘆白薇芫花

升麻

氣平 味苦甘 微苦微寒味薄氣厚陽中之

陰也無毒陽明經本經藥

欽定四庫全書

湯液本草

亦走手陽明經太陰經

象云能解肌肉間熱此手足陽明經傷風之的藥也

去黑皮并腐爛者用若補脾胃非此為引用不能補

若得葱白白芷之類亦能走手足陽明太陰

心云發散本經風邪元氣不足者用此於陰中升陽

氣上行

珍云脾痺非此不能除

本草云主解百毒殺百精老物殃鬼辟瘟疫瘴氣邪



氣盡毒入口皆吐出中惡腹痛時氣毒癘頭痛寒熱  
風腫諸毒喉痛口瘡

東垣云升麻入足陽明若初病太陽證便服升麻葛根  
發出陽明經汗或失之過陽明經燥太陽經不可解  
必傳陽明矣投湯不當非徒無益而又害之也

朱氏云瘀血入裏若衄血吐血者犀角地黄湯乃陽  
明經聖藥也如無犀角以升麻代之升麻犀角性味  
相遠不同何以代之蓋以升麻止是引地黃及餘藥

欽定四庫全書

湯液本草

同入陽明耳

仲景云太陽病若發汗若利小便重亡津液胃中乾  
燥因轉屬陽明其害不可勝言又云太陽兀兀無汗  
者葛根湯發之若兀兀自汗者表虛也不宜用此朱  
氏用升麻者以表實無汗也

訣云主肺痿效唾膿血能發浮汗

羌活

氣微溫

味苦甘平

苦辛氣味俱輕陽也





無毒

足太陽經厥陰經藥

太陽經本經藥也

象云治肢節痛利諸節手足太陽經風藥也加川芎

治足太陽少陰頭痛透關節去黑皮并腐爛者用

心云去溫濕風

珍云骨節痛非此不能除

液云君藥也非無為之主乃却亂反正之主太陽經

欽定四庫全書

湯液本草

頭痛肢節痛一身盡漏非此不治又云羌活足太陽

厥陰少陰藥也與獨活不分二種後人用羌活多用

鞭節者用獨活多用鬼眼者羌活則氣雄獨活則氣

細故雄者入足太陽細者入足少陰也又錢氏瀉青

丸用此壬乙同歸一治也或問治頭痛者何答曰巨

陽從頭走足惟厥陰與督脉會於巔逆而上行諸陽

不得下故令頭痛也

獨活



氣味與羌活同無毒 氣厚味薄升也苦辛 足少陰腎經行經之藥
本草云主風寒所擊金瘡止痛貴豚癩瘡女子疝瘕 療諸賊風百節痛風無以新者
液云獨活細而低治足少陰伏風而不治太陽故兩 足寒濕痺不能動止非此不能治
象云若與細辛同用治少陰經頭痛一名獨搖草得 風不搖無風自搖去皮淨用
欽定四庫全書 湯液本草
心云治風須用又能燥濕經云風能勝濕
珍云頭眩目暈非此不能除
柴胡
氣平 味微苦 微寒氣味俱輕陽也升也
純陽無毒
少陽經厥陰經行經之藥
象云除虛勞寒熱解肌熱去早晨潮熱婦人產前後 必用之藥善除本經頭痛非他藥能止治心下痞脅



膈痛去蘆用

心云少陽經分之藥引胃氣上升苦寒以發表熱

珍云去往來寒熱膽痺非此不能除

本草云主心腹去腸胃中結氣飲食積聚寒熱邪氣

推陳致新除傷寒心下煩熱諸痰熱結實胸中邪逆

五臟間遊氣大腸停積水脹及濕痺拘攣亦可作浴

湯以服輕身明目益精半夏為之使惡皂莢畏女苑

藜蘆入足少陽主東方分也在經主氣在臟主血證

欽定四庫全書

湯液本草

前行則惡熱却退則惡寒雖氣之微寒味之薄者故  
能行經若佐以三稜廣茂巴豆之類故能消堅積是  
主血也婦人經水適來適斷傷寒雜病易老俱用小  
柴胡湯主之加以四物之類并秦艽牡丹皮同為調  
經之劑

衍義云柴胡本經並無一字治勞今人治勞方中鮮  
有不用者凡此誤世甚多嘗原病勞有一種真臟虛  
損復受熱邪因虛而致勞故曰勞者牢也須當斟酌



用之如經驗方治勞熱青蒿煎九用柴胡正合宜耳  
服之無不效

日華子云味甘補五勞七傷除煩止驚益氣力藥性  
論亦謂治勞乏羸瘦若此等病苟無實熱醫者取而  
用之不亡何待註釋本草一字亦不可忽蓋後世所  
誤無窮也苟有明哲之士自可處制中下之士不肯  
考究枉致淪沒可不謹哉可不戒哉如張仲景治寒  
熱往來如瘧用柴胡正合其宜

欽定四庫全書

湯液本草

圖經云治傷寒有大小柴胡湯柴胡加龍骨牡蠣柴  
胡加芒硝等湯故後人治傷寒熱此為最要之藥  
東垣云能引清氣而行陽道傷寒外諸藥所加有熱  
則加之無熱則不加又能引胃氣上行升騰而行春  
令是也欲其如此又何加之  
海藏云能去臟腑內外俱乏既能引清氣上行而順  
陽道蓋以少陽之氣初出地之皮為嫩陽故以少陽  
當之



葛根	氣平 味甘 無毒	陽明經引經藥	足陽明經行經的藥	象云治脾虛而渴除胃熱解酒毒通行足陽明經之	藥去皮用	心云止渴升陽	珍云益陽生津勿多用恐傷胃氣虛渴者非此不能	欽定四庫全書	湯液本草	除	本草云主消渴及大熱嘔吐諸痺起陰氣解諸毒療	傷寒中風頭痛解肌發表出汗開腠理療金瘡止痛	脇風痛生根汁寒治消濕傷寒壯熱花主消酒味甘	大寒主壓丹石去煩熱利大小便止渴小兒熱瘧以	葛根浸搗汁飲之良	東垣云葛根甘平溫世人初病太陽證便服葛根升	麻湯非也
----	----------	--------	----------	----------------------	------	--------	----------------------	--------	------	---	----------------------	----------------------	----------------------	----------------------	----------	----------------------	------



<p>朱奉議云頭痛如欲破者連鬚葱白湯飲之又不已者葛根葱白湯</p>	<p>易老云用此以斷太陽入陽明之絡却非太陽藥也故仲景治太陽陽明合病桂枝湯內加麻黃葛根也</p>	<p>又有葛根黃芩黃連解肌湯是知葛根非太陽藥實陽明藥</p>	<p>食療云葛根蒸食之消毒其粉亦甚妙其粉以水調三合能解鳩毒</p>	<p>欽定四庫全書 湯液本草</p>	<p>衍義云治中熱酒渴病多食行小便亦能使人利病酒又渴者得之甚良</p>	<p>易老又云太陽初病未入陽明頭痛者不可便服葛根發之若服之是引賊破家也若頭顱痛者可服之</p>	<p>葛根湯陽明自中風之仙藥也</p>	<p>本草又云殺野葛巴豆百藥</p>	<p>葳靈仙 氣溫 味苦甘 純陽</p>
-----------------------------------	---	--------------------------------	-----------------------------------	------------------------	-------------------------------------	---	---------------------	--------------------	----------------------------------



象云主諸風濕冷通五臟去腹內痲滯腰膝冷痛及 治傷損鐵脚者佳去蘆用
心云去大腸之風
本草云忌茗
細辛
氣溫 味大辛 純陽 性溫氣厚於味
陽也無毒
少陰經藥
欽定四庫全書
湯液本草
手少陰經引經之藥
象云治少陰頭痛如神當少用之獨活為使為主用
去蘆頭并葉華州者佳
珍云主少陰經頭痛
心云止諸項頭痛諸風通用之味辛熱溫陰經散水
寒以去內寒
本草云主欬逆頭痛腦動百節拘攣風濕痺痛死肌
溫中下氣破痰利水道開胸膈除喉痺鼻風癩癩



<p>疾下乳結汗不出血不行安五臟益肝膽通精氣以服明目利九竅</p>
<p>東垣云治邪在裏之表故仲景少陰證用麻黃附子細辛湯也</p>
<p>易老云治少陰頭痛太陽則羌活少陰則細辛陽明則白芷厥陰則川芎吳茱萸少陽則柴胡用者隨經不可差細辛香味俱細而緩故入少陰與獨活頗相類</p>
<p>欽定四庫全書 湯液本草</p>
<p>本草又云曾青棗根為之使得當歸芍藥白芷川芎牡丹蘘本甘草共療婦人得決明鯉魚膽汁青羊肝共療目痛惡狠毒山茱萸黃芪畏消石滑石反藜蘆衍義云治頭面風痛不可缺也</p>
<p>白芷 氣溫 味大辛 純陽 無毒 氣味俱輕陽也</p>
<p>陽明經引經藥</p>





<p>手陽明經本經藥行足陽明經於升麻湯四味內加之</p>	<p>象云治手陽明頭痛中風寒熱解利藥也以四味升麻湯加之</p>	<p>珍云長肌肉散陽明之風</p>	<p>心云治風通用去肺經風熱</p>	<p>本草云主女子漏下赤白血閉陰腫寒熱風頭浸目淚出長肌膚潤澤可作面脂療風邪久渴吐嘔兩脇</p>	<p>欽定四庫全書 湯液本草</p>	<p>滿風痛頭眩目痒</p>	<p>日華子云補胎漏骨落破宿血補新血乳癰發背一切瘡疥排膿止痛生肌去疔疵癩明目其氣芳香治</p>	<p>正陽陽明頭痛與辛夷細辛同用治鼻病內托用此長肌肉則陽明可知矣又云當歸為之使惡旋覆花</p>	<p>川芎</p>	<p>氣溫 味辛 純陽 無毒</p>	<p>入手足厥陰經</p>
------------------------------	---------------------------------	-------------------	--------------------	---	------------------------	----------------	---	---	-----------	--------------------	---------------



少陽經本經藥

象云補血治血虛頭痛之聖藥妊婦胎不動數月加  
當歸二味各二錢水二盞煎至一半服神效

珍云散肝經之風貫芎治少陽經苦頭痛

心云治少陽頭痛又治風通用

本草云主中風入腦頭痛寒痺筋攣緩急金瘡婦人  
血閉無子除腦中冷動面上遊風去來目淚出多涕  
唾忽忽如醉諸寒冷氣心腹堅痛中惡卒急腫痛脇

欽定四庫全書

湯液本草

風痛溫中除內寒

日華子云能除鼻洪吐血及溺血破癥結宿血養新  
血

易老云上行頭目下行血海故清晨四物湯所皆用  
也入手足厥陰經

衍義云頭面風不可缺也然須以他藥佐之若單服  
久服則走散真氣既使他藥佐之亦不可久服中病  
即便已



<p>東垣云頭痛甚者加蔓荊子頂與腦痛加川芎苦頭 痛者加藁本諸經苦頭痛加細辛若有熱者不能治 別有青空之劑為緣諸經頭痛須用四味 本草又云白芷為之使畏黃連</p>	<p>麻黃</p>	<p>氣溫 味苦甘而苦 氣味俱薄陽也升也</p>	<p>甘熱純陽無毒</p>	<p>手太陰之劑</p>	<p>欽定四庫全書 湯液本草</p>	<p>入足太陽經</p>	<p>走手少陰經陽明經藥</p>	<p>象云發太陽少陰經汗去節煮三二沸去上沫否則</p>	<p>令人心煩悶</p>	<p>心云陽明經藥去表上之寒邪乾熱去節解少陰寒</p>	<p>散表寒發浮熱也</p>	<p>珍云去榮中寒</p>	<p>本草云主中風傷寒頭痛溫瘧發表出汗中邪熱氣</p>
--	-----------	--------------------------	---------------	--------------	------------------------	--------------	------------------	-----------------------------	--------------	-----------------------------	----------------	---------------	-----------------------------



<p>止效逆上氣除寒熱破癥堅積聚</p>	<p>液云入足太陽手少陰能泄衛實發汗及傷寒無汗</p>	<p>效嗽根節能止汗夫麻黃治衛實之藥桂枝治衛虛</p>	<p>之藥桂枝麻黃雖為太陽經藥其實榮衛藥也以其</p>	<p>在太陽地分故曰太陽也本病者即榮衛肺主衛心</p>	<p>主榮為血乃肺心所主故麻黃為手太陰之劑故傷</p>	<p>寒傷風而嗽者用麻黃桂枝即湯液之源也</p>	<p>藥性論云君味甘平治瘟疫</p>	<p>欽定四庫全書 湯液本草</p>	<p>本草又云厚朴為之使惡辛萋石韋</p>	<p>藁本</p>	<p>氣溫 味大辛 苦微溫氣厚味薄陽也升</p>	<p>也純陽無毒</p>	<p>太陽經本經藥</p>	<p>象云太陽經風藥治寒邪結鬱於本經治頭痛腦痛</p>	<p>大寒犯腦令人腦痛齒亦痛</p>	<p>心云專治太陽頭痛其氣雄壯</p>
----------------------	-----------------------------	-----------------------------	-----------------------------	-----------------------------	-----------------------------	--------------------------	--------------------	------------------------	-----------------------	-----------	--------------------------	--------------	---------------	-----------------------------	--------------------	---------------------



珍云治巔頂痛

本草云主婦人疝瘕陰中寒腫痛腹中急除風頭痛  
長肌膚悅顏色辟霧露潤澤療風邪禪曳金瘡可作  
沐藥面脂實主流風四肢惡藺茹此與木香同治霧  
露之氣與白芷同作面脂藥治療

仲景云清明已前立秋已後凡中霧露之氣皆為傷  
寒又云清邪中於上焦皆霧露之氣神朮白朮湯內  
加木香藁本擇其可而用之此既治風又治濕亦各  
從其類也

欽定四庫全書

湯液本草

桔梗

氣微溫 味辛苦 陽中之陽 味厚氣

輕陽中之陰也有小毒

入足少陰經

入手太陰肺經藥

象云治咽喉痛利肺氣去蘆米泔浸一宿焙乾用

珍云陽中之陰謂之舟楫諸藥有此一味不能下沉



治鼻塞

心云利嗌咽膈之氣以其色白故屬肺辛甘微溫  
治寒嘔若咽中痛桔梗能散之也

本草云主胸脇痛如刀刺腹滿腸鳴幽幽驚恐悸氣  
利五臟腸胃補血氣除寒熱風痺溫中消穀療咽喉  
痛下蠱毒

易老云與國老並行同為舟楫之濟如將軍苦泄峻  
下之藥欲引至膈中至高之分成功非此辛甘不居

欽定四庫全書

湯液本草

譬如鐵石入江非舟楫不載故用辛甘之劑以升之  
也

衍義云治肺熱氣奔促欬逆肺癰排膿

本草又云節皮為之使得牡蠣遠志療志怒得硝石  
石膏療傷寒畏白芨龍眼龍膽

鼠黏子

氣平 味辛 辛溫

象云生風毒腫利咽膈吞一枚可出癰疽瘡頭



秦艽	珍云潤肺散氣	氣微溫 味苦辛 陰中微陽	手陽明經藥	象云主寒熱邪氣風濕痺下水利小便治黃病骨蒸	治口禁及腸風瀉血去蘆用	珍云入手陽明下牙痛口瘡毒去本經風濕	本草云菖蒲為之使	欽定四庫全書 湯液本草	天麻	氣平 味苦 無毒	象云治頭風	本草云主諸風濕痺四肢拘攣小兒風癇驚氣利腰	膝強筋力其苗定風草	黑附子	氣熱 味大辛 純陽 辛甘溫大熱有	大毒
----	--------	--------------	-------	----------------------	-------------	-------------------	----------	----------------	----	----------	-------	----------------------	-----------	-----	------------------	----



通行諸經引用藥

入手少陽經三焦命門之劑

象云性走而不守亦能除腎中寒甚白朮為佐名朮  
附湯除寒濕之聖藥也濕藥中少加之通行諸經引  
用藥也治經閉慢火炮

珍云治脾濕腎寒

本草云主風寒欬逆邪氣溫中金瘡破癥堅積聚血  
瘦寒濕踈臂拘攣膝痛脚疼冷弱不能行步腰脊風

欽定四庫全書

湯液本草

寒心腹冷痛霍亂轉筋下利赤白堅肌骨強陰墮胎  
為百藥之長

液云入手少陽三焦命門之劑浮中沉無所不至附  
子味辛大熱為陽中之陽故行而不止非若乾薑止  
而不行也非身表諒而四肢厥者不可僭用如用之  
者以其治四逆也

本草又云地膽為之使惡蜈蚣畏防風黑豆黃芪甘  
草人參冬月採為附子春月採為烏頭





烏頭	氣熱 味大辛 辛甘大熱 有大毒行	諸經	象云治風痺半身不遂行經藥也慢火炮拆去皮用 本草云主中風惡風洗洗出汗除寒濕痺效逆上氣 破積聚寒熱消胸上痰冷食不下心腹冷疾臍間痛 肩脾痛不可俛仰目中痛不可久視墮胎其汁煎之 名射罔殺禽獸	欽定四庫全書 湯液本草	液云烏附天雄側子之屬皆水浸炮裂去皮臍用之 多有外黃裏白劣性尚在莫若乘熱切作片子再炒 令表裏皆黃內外一色劣性皆去却為良也世人罕 如此製之	縮砂	氣溫 味辛 無毒	入手足太陰經陽明經太陽經	足少陰經
----	---------------------------	----	--	----------------	--	----	----------------	--------------	------



<p>象云治脾胃氣結滯不散主勞虛冷瀉心腹痛下氣 消食</p>	<p>本草云治虛勞冷瀉宿食不消赤白泄利腹中虛痛 下氣</p>	<p>液云與白檀荳蔻為使則入肺與人參益智為使則 入脾與黃蘗茯苓為使則入腎與赤白石脂為使則 入大小腸</p>	<p>華澄茄</p>	<p>欽定四庫全書 湯液本草</p>	<p>氣溫 味辛 無毒</p>	<p>本草云主下氣消食皮膚風心腹間氣脹令人能食 華撥</p>	<p>氣溫 味辛 無毒</p>	<p>本草云主溫中下氣補腰脚殺腥氣消食除胃冷陰 疝瘕癖 衍義云走腸胃中冷氣嘔吐心腹滿痛多服走泄真 氣令人腸虛下重</p>
------------------------------------	------------------------------------	---	------------	------------------------	-----------------	------------------------------------	-----------------	--



香附子

氣微寒

味甘

陽中之陰

無毒

本草云除胸中熱充皮毛久服利人益氣長鬚眉後  
世人用治崩漏本草不言治崩漏

圖經云膀胱兩脇氣妨常日憂愁不樂飲食不多皮  
膚瘙癢癩疹日漸瘦損心忪少氣以是知益氣血中  
之氣藥也方中用治崩漏是益氣而止血也又能逐  
去凝血是推陳也與巴豆同治泄瀉不止又能治大  
便不通同意

欽定四庫全書

湯液本草

珍云快氣

草荳蔻

氣熱

味大辛

陽也辛溫無毒

入足太陰經陽明經

象云治風寒客邪在胃口之上善去脾胃客寒心與  
胃痛麵包煨熱去麵用

珍云益脾胃去寒



<p>本草云主溫中心腹痛嘔吐去口臭氣下氣氣脹滿短氣消酒進食止霍亂治一切冷氣調中補胃健脾亦能消食</p> <p>衍義云性溫而調散冷氣力甚速虛弱不能飲食宜此與木瓜烏梅縮砂益智麴蘗塩炒薑也</p> <p>白荳蔻</p>	<p>氣熱 味大辛 味薄氣厚陽也 辛大</p> <p>溫無毒</p>	<p>欽定四庫全書</p> <p>湯液本草</p>	<p>入手太陰經</p>	<p>珍云主積冷氣散肺中滯氣寬膈止吐逆治反胃消穀下氣進食去皮用</p>	<p>心云專入肺經去白睛翳膜紅者不宜多用</p>	<p>本草云主積聚冷氣上吐逆反胃消穀下氣</p>	<p>液云入手太陰別有清高之氣上焦元氣不足以此</p>	<p>補之</p>	<p>延胡索</p>
--	------------------------------------	---------------------------	--------------	-------------------------------------	--------------------------	--------------------------	-----------------------------	-----------	------------



氣溫 味辛 苦辛溫無毒
入手足太陰經
象云破血治氣月水不調小腹痛煖腰膝破癥瘕碎
用
液云治心氣痛小腹痛有神效主破血產後諸疾因血
為病者婦人月水不調腹中結塊崩漏淋露暴血上
行因損下血
茴香
欽定四庫全書 湯液本草
氣平 味辛 無毒
入手足少陰經太陽經藥
象云破一切臭氣調中止嘔下食炒黃色碎用
本草云主諸癭霍亂及蛇傷又能治腎勞癩疝氣開
胃下食又治膀胱陰痛脚氣及腹痛不可忍
液云茴香本治膀胱藥以其先丙故云小腹也能潤
丙燥以其先戊故從丙至壬又手足少陰二藥以開
上下經之通道所以壬與丙交也



紅藍花	氣溫	味辛	辛而甘溫苦	陰中之陽
無毒				
象云治產後口禁血暈腹內惡血不盡絞痛破留血				
神效搓碎用				
心云和血與當歸同用				
珍云入心養血謂苦為陰中之陽故入心				
本草云主產後血暈胎死腹中並煮酒服亦主蠱毒				
欽定四庫全書				
湯液本草				
下血其苗生搗傅遊腫其子吞數粒主天行瘡子				
胭脂主小兒聾耳滴耳中仲景治六十二種風				
兼腹中血氣刺痛用紅花一大兩分為四分酒一大				
升煎強半頓服之				
良薑				
氣熱	味辛	純陽		
本草云治胃中冷逆霍亂腹痛反胃嘔食轉筋瀉痢				
下氣消宿食				



心云健脾胃	黃芪			
氣溫	味甘	純陽	甘微溫	性平
無毒				
入手少陽經				
足太陰經				
足少陰命門之劑				
象云治虛勞自汗補肺氣入皮毛瀉肺中火如脉弦				
欽定四庫全書				
湯液本草				
自汗脾胃虛弱瘡瘍血肺不行內托陰證瘡瘍必用				
之去蘆用				
珍云益胃氣去肌熱諸痛必用之				
心云補五臟諸虛不足而瀉陰火去虛熱無汗則發				
之有汗則止之				
本草云主癰疽久敗瘡排膿止痛大風癩疾五痔鼠				
痿補虛小兒百病婦人子臟風邪氣逐五臟間惡血				
補丈夫虛損五勞羸瘦腹痛泄痢益氣利陰氣有白				



水芪赤冰芪木芪功用皆同惟木芪莖短而理橫折  
之如綿皮黃褐色肉中白色謂之綿黃芪其堅脆而  
味苦者乃首宿根也又云破瘕癰腸風血崩帶下赤  
白痢及產前後一切病月候不調消渴痰嗽又治頭  
風熱毒目亦骨蒸主蜀郡多有之芪與桂同功特味  
稍異以桂但甘平不辛熱耳世人以首宿根代之呼  
為土黃芪但味等并令人瘦持味甘者能令人肥也  
頗能亂真用者宜審治氣虛盜汗并自汗即皮表之

欽定四庫全書

湯液本草

藥又治膚痛則表藥可知又治咯血柔服之若為中  
州藥也又治傷寒尺脉不至又補腎臟元氣為裏藥  
是上中下內外三焦之藥今本草圖經只言河東者  
沁州綿上是也故謂之綿其味甘如蜜兼體骨柔軟  
如綿世以為如綿非也別說云黃芪出綿上為良故  
圖經所繪者憲水者也與綿上相鄰蓋以地產為綿  
若以柔韌為綿則偽者亦柔但以乾施甘苦為別耳  
東垣云黃芪人參甘草三味退熱之聖藥也靈樞曰





衛氣者所以溫分肉而充皮膚肥腠理而司開闔黃  
芪既補三焦實衛氣與桂同特益氣異耳亦在佐使  
桂則通血也能破血而實衛氣通內而實外者歟桂  
以血言一作色求則芪為實氣也惡鱉甲

蒼朮

氣溫 味甘

入足陽明太陰經

象云主治同白朮若除上濕發汗功最大若補中焦

欽定四庫全書

湯液本草

除濕力小不如白朮也

衍義云其長如大拇指肥實皮色褐氣味辛烈須米

泔浸洗再換泔浸二日去上麤皮

東垣云入足陽明太陰能健胃安脾

本草但言朮不分蒼白其蒼朮別有雄壯之氣以其

泔浸火炒故能出汗與白朮止汗特異兩者不可以

此代彼

海藏云蒼白有止發之異其闕 治並見圖經



白朮

氣溫 味甘 苦而甘溫 味厚氣薄陰

中陽也無毒

入手太陽少陰經

足陽明太陰少陰厥陰四經

象云除濕益燥和中益氣利腰臍間血除胃中熱去  
諸經之濕理胃

潔古云溫中去濕除熱降胃氣蒼朮亦同但味頗厚

欽定四庫全書

湯液本草

耳下行則利之甘溫補胃健脾逐水寒治所勝緩脾  
生津去濕渴者用之

本草但言朮本無蒼白之名近多用白朮治皮間風  
止汗消痞補胃和中利腰臍則血通水道上而皮毛  
中而心胃下而腰臍在氣主氣在血主血

潔古又云非白朮不能去濕非枳實不能消痞除濕  
利水道如何是益津液

當歸



氣溫	味辛甘而大溫	氣味俱輕陽也
甘辛陽中微陰	無毒	
入手少陰經		
足太陰經厥陰經		
象云和血補血尾行血身和血先水洗去土酒製過		
或火乾日乾入藥血病須用去蘆用		
心云治血通用能除血刺痛以甘故能和血辛溫以		
潤內寒當歸之苦以助心散寒		
欽定四庫全書	湯液本草	
珍云頭止血身和血梢破血治上酒浸治外酒洗糖		
色嚼之太辛可能潰堅與菖蒲海藻相反		
本草云主效逆上氣溫癰寒熱濕在皮膚中婦人漏		
下絕子諸惡瘡瘍金瘡煮汁飲之溫中止痛及腰痛		
除客血內塞中風瘧汗不出濕痺中惡客風虛冷補		
五臟生肌肉氣血昏亂服之即定有各歸氣血之功		
故名當歸		
雷公云得酒浸過良若要破血即用頭節硬實處若		



要止痛止血即用尾若一概用不如不使	易老云用頭則破血用尾則止血全用則一破一	止能和血也入手少陰以其心主血也入足太陰以	其脾裨血也入足厥陰以其肝藏血也頭能破血身	能養血尾能行血用者不分不如不用不使若全用	在黃芪皆能補血在牽牛大黃皆能破血佐使定分	用者當知從桂附茱萸則熱從大黃芒硝則寒諸經	頭痛俱在細辛條下惟酒蒸當歸又治頭痛以其諸	欽定四庫全書 湯液本草	頭痛皆屬木故以血藥主之	藥性論云臣畏生薑惡濕麵	經云當歸主欬逆上氣當歸血藥如何治胸中氣	藥性論云補女子諸不足此說盡當歸之用矣	芍藥	氣微寒 味酸而苦 氣薄味厚陰也降也	陰中之陽有小毒	入手足太陰經
------------------	---------------------	----------------------	----------------------	----------------------	----------------------	----------------------	----------------------	----------------	-------------	-------------	---------------------	--------------------	----	-------------------	---------	--------



象云補中焦之藥得炙甘草為佐治腹中痛夏月腹痛少加黃芩如惡寒腹痛加肉桂一錢白芍藥三錢炙甘草一錢半此仲景神方也如冬月大寒腹痛加桂二錢半水二盞煎一半去皮用

心云脾經之藥收陰氣能除腹痛酸以收之扶陽而收陰氣泄邪氣與生薑同用溫經散濕通塞利腹中痛胃氣不通肺燥氣熱酸收甘緩下利必用之藥

珍云白補赤散瀉肝補脾胃酒浸行經止中部腹痛

欽定四庫全書

湯液本草

本草云主邪氣腹痛除血痺破堅積寒熱疝瘕止痛利小便益氣通順血脉緩中散惡血逐賊血去水氣利膀胱

衍義云芍藥全用根其品亦多須用花紅而單葉者山中者佳花葉多則根虛然其根多赤色其味澁有色白粗肥者亦好餘如莖然血虛寒人禁此一物古人有言減芍藥以避中寒誠不可忽今見花赤者為赤芍藥花白者為白芍藥俗云白補而赤瀉



東垣云但澁者為上或問古今方論中多以澁為收	今本經有利小便一句者何也東垣云芍藥能停諸	濕而益津液使小便自行本非通行之藥所當知之	又問有緩中一句何謂緩中東垣云損其肝者緩其	中又問當用何藥以治之東垣云當用四物湯以其	內有芍藥故也赤者利小便下氣白者止痛散氣血	入手足太陰經大抵酸澁者為上為收斂停濕之劑	故主手足太陰經收降四體故又能至血海而入於	欽定四庫全書	湯液本草	九地之下後至厥陰經也後人用赤瀉白補以其色	在西方故補色在南方故泄也	本草云能利小便非能利之也以其腎主大小二便	既用此以益陰滋濕故小便得通也	難經云損其肝者緩其中即調血也沒藥烏藥雷丸	為之使	本草又云惡石斛芒硝畏硝石鱉甲小蘗反藜蘆	液云腹中虛痛脾經也非芍藥不除補津液停濕之
----------------------	----------------------	----------------------	----------------------	----------------------	----------------------	----------------------	----------------------	--------	------	----------------------	--------------	----------------------	----------------	----------------------	-----	---------------------	----------------------



劑	熟地黃	氣寒 味苦 陰中之陽 甘微苦	味厚氣薄陰中陽也 無毒	入手足少陰經厥陰經	象云酒洒蒸如烏金假酒力則微溫大補血衰者須用之善黑鬚髮忌蘿蔔	珍云若治外治上酒製	欽定四庫全書 湯液本草	心云生則性大寒而涼血熟則性寒而補腎	本草云主折跌絕筋傷中逐血痺填骨髓長肌肉作	湯除寒熱積聚除痺主男子五勞七傷女子傷中胞	漏下血破惡血溺血利大小腸去胃中宿食筋力斷	絕補五臟內傷不足通血脉益氣力利耳目生者尤	良得清酒麥門冬尤良惡貝母畏蕪荑	東垣云生地黃治手足心熱及心熱入手足少陰手	足厥陰能益腎水而治血脉洪實者宜此若脉虛則
---	-----	----------------	-------------	-----------	-------------------------------	-----------	----------------	-------------------	----------------------	----------------------	----------------------	----------------------	-----------------	----------------------	----------------------



<p>宜熟地黄地黄假酒力蒸九數故能補腎中元氣仲 景製八味丸以熟地黄為諸藥之首天一所生之源 也湯液四物以治藏血之臟亦以乾熟地黄丸為君 者癸乙同歸一治也蒸搗不可犯鐵若犯鐵令人腎 消</p>	<p>陳藏器云蒸乾即溫補生乾則平宣</p>	<p>機要云熟地黄臍下發痛者腎經也非地黄不能除</p>	<p>補腎益陰之劑二宜丸加當歸為補髓</p>	<p>欽定四庫全書 湯液本草</p>	<p>生地黄</p>	<p>氣寒 味苦 陰中之陽 甘苦大寒</p>	<p>無毒</p>	<p>入手太陽經少陰經之劑</p>	<p>象云涼血補血補腎水真陰不足此藥大寒宜斟酌</p>	<p>用之恐損胃氣</p>	<p>珍云生血涼血</p>	<p>本草云主婦人崩中血不止及產後血上薄心悶絕</p>
--	-----------------------	-----------------------------	------------------------	------------------------	------------	------------------------	-----------	-------------------	-----------------------------	---------------	---------------	-----------------------------





<p>傷身胎動下血胎不落墜墜腕折瘀血留血衄鼻吐血皆搗飲之</p>
<p>液云手少陰又為手太陽之劑故錢氏瀉丙與木通同用以道赤也諸經之血熱與他藥相隨亦能治之</p>
<p>溺血便血亦治之入四散例</p>
<p>心云苦甘陰中微陽酒浸上行外行生血涼血去熱惡貝母畏蕪荑</p>
<p>山藥</p>
<p>欽定四庫全書 湯液本草</p>
<p>氣溫 味甘平 無毒</p>
<p>手太陰經藥</p>
<p>本草云主補中益氣除熱強陰主頭面遊風頭暈眼眩下氣充五臟長肌肉久服耳目聰明輕身耐老延年不飢手太陰藥潤皮毛燥涼而能補與二門冬紫芝為之使惡甘遂</p>
<p>東垣云仲景八味丸用乾山藥以其涼而能補也亦治皮膚乾燥以此物潤之</p>



麻仁	味甘平 無毒	入手太陰經	手陽明經	本草云主補中益氣中風汗出逐水利小便破積血復血脈乳婦產後餘疾長髮可為沐藥久服肥健不老	液云入足太陰手陽明汗多胃熱便難三者皆燥濕	而亡津液故曰脾約約者約束之義內經謂燥者潤之故仲景以麻仁潤足太陰之燥及通腸也	薏苡仁	氣微寒 味甘 無毒	本草云主筋急拘攣不可屈伸風濕痺下氣除筋骨邪氣不仁利腸胃消水腫令人能食以服輕身益氣其根能下三蟲仲景治風濕燥痛日晡所劇者與麻黃杏子薏苡仁湯
----	--------	-------	------	---	----------------------	---------------------------------------	-----	-----------	---



甘草

氣平 味甘 陽也 無毒

入足厥陰經太陰經少陰經

象云生用大瀉熱火炙之則溫能補上焦中焦下焦  
元氣和諸藥相協而不爭性緩善解諸急故名國老  
去皮用甘草梢子生用為君去莖中痛或加苦練酒  
煑玄胡索為主尤妙

心云熱藥用之緩其熱寒藥用之緩其寒經曰甘以

欽定四庫全書

湯液本草

緩之陽不足補之以甘中滿禁用寒熱皆用調和藥  
性使不相悖灸之散表寒除邪熱去咽痛除熱緩正  
氣緩陰血潤肺

珍云養血補胃稍子去腎中之痛胃中積熱非稍子  
不能除

本草云主五臟六腑寒熱邪氣堅筋骨長肌肉倍力  
金瘡燬解毒溫中下氣煩滿短氣傷臟欬止渴通  
經脈利血氣解百藥毒為九土之精安和七十二種



石一千二百種草故名國老  
藥性論云君忌猪肉

內經曰脾欲緩急食甘以緩之甘以補脾能緩之也  
故湯液用此以建中又曰甘者令人中滿又曰中滿  
者勿食甘即知非中滿藥也甘入脾歸其所喜攻也  
或問附子理中調胃承氣皆用甘草者如何是調和  
之意荅曰附子理中用甘草恐其僭上也調胃承氣  
用甘草恐其速下也二藥用之非和也皆緩也小柴

欽定四庫全書

湯液本草

胡有柴胡黃芩之寒人參半夏之溫其中用甘草者  
則有調和之意中不滿而用甘為之補中滿者用甘  
為之泄此升降浮沉也鳳髓丹之甘緩腎濕而生元  
氣亦甘補之意也經云以甘補之以甘瀉之以甘緩  
之本草謂安和七十二種石一千二百種草名為國  
老雖非君而為君所宗所以能安和草石而解諸毒  
也於此可見調和之意夫五味之用苦直行而瀉辛  
橫行而散酸束而收斂鹹止而軟堅甘上行而發如



<p>何本草言下氣蓋甘之味有升降浮沉可上可下可內可外有和有緩有補有泄居中之道盡矣入足厥陰太陰少陰能治肺痿之膿血而作吐劑能消五發之瘡疽每用水三椀慢火熬至半椀去粗服之消瘡與黃芪同功黃芪亦能消諸腫癰疽修治之法與甘草同</p>	<p>本草又云术乾漆苦參為之使惡遠志反大戟芫花甘遂海藻四物</p>	<p>欽定四庫全書 湯液本草</p>	<p>白前 氣微温 味甘 微寒 無毒</p>	<p>本草云主胸脇逆氣嗽嗽上氣狀似白薇牛膝 衍義云白前保定肺氣治嗽多用白而長於細辛但粗而脆不似細辛之柔若以温藥相佐使則尤佳仲景用</p>	<p>白薇 氣大寒 味苦鹹平 無毒</p>
---	-----------------------------------	------------------------	----------------------------	--	---------------------------



象云除肺中滯氣又治中下焦氣結滯須用檳榔為	陰中陽也 無毒	氣熱 味辛苦 純陽 味厚於氣	木香	藜蘆	下氣治傷寒寒熱推明目益精半夏為使惡皂莢畏	本草云主痰滿胸脇中痞心腹結氣風頭痛去痰實	氣微寒 味苦 無毒	欽定四庫全書 湯液本草	前胡	本草又云惡黃芪大黃大戟乾薑乾漆山茱萸大棗	露故也	液云局方中多有有用之治婦人以本經療傷中下淋	療驚邪風狂瘧病	利陰氣益精近道處處有之狀似牛膝白前而短小	寒熱酸疼溫瘧洗洗發作有時療傷中淋露下水氣	本草云主暴中風身熱肢滿忽忽不知人狂惑邪氣
----------------------	---------	----------------	----	----	----------------------	----------------------	-----------	-------------	----	----------------------	-----	-----------------------	---------	----------------------	----------------------	----------------------



使	珍云治腹中氣不轉運和胃氣	心云散滯氣調諸氣	本草云治邪氣辟毒疫瘧鬼強志主淋露療氣劣肌	中偏寒主氣不足消毒瘧瘧瘧毒行藥之精	本經云主氣劣氣不足補也通壅氣導一切氣破也	安胎健脾胃補也除痰癖塊破也與本條補破不同	何也易老以為破氣之劑不言補也	欽定四庫全書 湯液本草	知母	氣寒 味大辛 苦寒味厚陰也降也	苦陰中微陽無毒	入足陽明經	手太陰腎經本藥	象云瀉足陽明經火熱補益腎水膀胱之寒去皮用	心云瀉腎中火苦寒涼心去熱	珍云涼腎腎經本藥上頸行經皆須用酒炒
---	--------------	----------	----------------------	-------------------	----------------------	----------------------	----------------	----------------	----	-----------------	---------	-------	---------	----------------------	--------------	-------------------



本草云主消渴熱中除邪氣肢體浮腫下水補不足  
益氣療傷寒久瘧煩熱脇下邪氣膈中惡及風汗內  
疸多服令人泄

東垣云入足陽明手太陰味苦寒潤治有汗骨蒸腎  
經氣勞瀉心仲景用此為白虎湯治不得眠者煩燥  
也煩者肺也躁者腎也以石膏為君主佐以知母之  
苦寒以清腎之源緩以甘草粳米之甘而使不速下  
也經云胸中有寒者瓜蒂散吐之又云表熱裏寒者

欽定四庫全書

湯液本草

白虎湯主之瓜蒂知母味皆苦寒而治胸中寒又裏  
寒何也荅曰成無已註云即傷寒寒邪之毒為熱病  
也讀者要逆識之如論語言亂臣十人書言唯以亂  
民其能而亂四方亂皆治也乃治亂者也故云亂民  
亂四方也仲景所言寒之一字舉其初而言之熱病  
在其中矣若以寒為寒冷之寒無復用苦寒之劑兼  
言白虎證脉尺寸俱長則熱可知矣

貝母





氣平 微寒 味辛苦 無毒

本草云主傷寒煩熱淋瀝邪氣疝瘕喉痺乳難金瘡  
風癭療腹中結實心下滿洗洗惡風寒目眩項直咳  
嗽上氣止煩渴出汗安五臟利骨髓

仲景寒實結胸外無熱證者三物小陷胸湯主之白  
散亦可以其內有貝母也別說貝母能散胸中鬱結  
之氣殊有功

本草又云厚朴白薇為之使惡桃花畏秦艽礬石莽

欽定四庫全書

湯液本草

草反烏頭

海藏祖方下乳三母散牡蠣知母貝母三物為細末  
用猪蹄湯調下

黃芩

氣寒 味微苦苦而甘 微寒味薄氣厚陽

中陰也陰中微陽大寒無毒

入手太陰經之劑

象云治肺中濕熱療上熱目中赤腫瘵肉盛必用之



<p>藥泄肺受火邪上逆於膈下補膀胱之寒不足乃滋其化源也</p>	<p>心云瀉肺中之火</p>	<p>潔古云利胸中氣消膈上痰性苦寒下痢膿血稠粘腹疼後重身熱久不可者與芍藥甘草同用</p>	<p>珍云除陽有餘涼心去熱通寒格陰中微陽酒炒上行主上部積血非此不能除肺苦氣上逆急食苦以泄之</p>	<p>欽定四庫全書 湯液本草</p>	<p>本草云主諸熱黃疸腸癖洩痢逐水下血閉惡瘡疽蝕火傷療痰熱胃中熱小腹絞痛消穀利小腸女子血閉淋露下血小兒腹痛</p>	<p>東垣云味苦而薄中枯而飄故能泄肺火而解肌熱手太陰劑也細實而中不空者治下部妙</p>	<p>陶隱居云色深堅實者好又治奔豚臍下熱痛飄與實高下之分與枳實枳殼同例黃芩其子主腸澼膿</p>	<p>血</p>
---------------------------------	----------------	--	---	------------------------	---	---	---	----------



本草又云得厚朴黃連治腹痛得五味子牡蒙牡蠣  
令人有子得黃芪白薇赤小豆療鼠癩山茱萸龍骨  
為之使惡葱實畏丹砂牡丹藜蘆

張仲景治傷寒心下痞滿瀉心湯四方皆用黃芩以  
其去諸熱利小腸故也又太陽病下之利不止用葛  
根黃芩黃連湯亦主妊娠安胎散內多用黃芩今醫  
家常有數者因著之千金方巴郡太守奏加減三黃  
丸療男子五勞七傷消渴不生肌肉婦人帶下手足

欽定四庫全書

湯液本草

寒熱者久服之得行及奔馬甚驗

陶隱居云黃芩圓者名子芩仲景治雜病方多用之

黃連

氣寒 味苦 味厚氣薄陰中陽也升也

無毒

入手少陰經

象云瀉心火除脾胃中濕熱治煩惡心鬱熱在中熱  
兀兀欲吐心下痞滿必用藥也仲景治九種心下痞



五等瀉心湯皆用之去鬚用

心云瀉心經之火眼暴赤腫及諸瘡須用之苦寒者  
主陽有餘苦以除之安虯通寒格療下焦虛堅腎  
珍云酒炒上行酒浸行下

本草云主熱氣目痛背傷泣出明目腸澀腹痛下痢  
婦人陰中腫痛五臟冷熱久下泄澀膿血止消渴大  
驚除水利骨調胃厚腸益膽療口瘡久服令人不忘  
液云入手少陰苦燥故入心火就燥也然瀉心其實

欽定四庫全書

湯液本草

瀉脾也為子能令母實實則瀉其子治血防風為上  
使黃連為中使地榆為下使

海藏祖方令終身不發斑瘡煎黃連一口兒生未出  
聲時灌之大應已出聲灌之斑雖發亦輕古方以黃  
連為治痢之最

衍義云治痢有微血不可執以黃連為苦燥劑虛者  
多致危困實者宜用之

本草又云龍骨理石黃苓為之使惡菊花芫花玄參



白蘚皮畏欵冬花勝烏頭解巴豆毒
大黃
氣寒 味苦大寒 味極厚陰也降也
無毒
入手足陽明經
酒浸入太陽經
酒洗入陽明經
餘經不用酒
欽定四庫全書
湯液本草
象云性走而不守瀉諸實熱不通下大便滌蕩腸胃
間熱專治不大便
心云滌蕩實熱
珍云熱淫於內以苦瀉之酒浸入太陽經酒洗入陽
明經餘經不用酒
本草云主下瘀血血閉寒熱破癥瘕積聚留飲宿食
蕩滌腸胃推陳致新通利水穀調中化食安和五臟
平胃下氣除痰實腸間結熱心腹脹滿女子寒血閉



脹小腹痛諸老血留結

液云味苦寒陰中之陰藥泄滿推陳致新去陳垢而  
安五臟謂如戡定禍亂以致太平無異所以有將軍  
之名入手足陽明以酒引之上至高巔以舟楫載之  
胸中可浮以苦泄之性峻至於下以酒將之可行至  
高之分若物在巔人迹不及必射以取之也故太陽  
陽明正陽陽明承氣湯中俱用酒浸惟少陽陽明為  
下經故小承氣湯中不用酒浸也雜方有生用者有

欽定四庫全書

湯液本草

麵裹蒸熟者其製不等

衍義云損益前書已具仲景治心氣不足吐血衄血  
瀉心湯用大黃黃芩黃連或曰心氣既不足矣而不  
用補心湯更用瀉心湯何也答曰若心氣獨不足則  
須當不吐衄也此乃邪熱因心氣不足而客之故令  
吐衄以苦泄其熱就以苦補其心蓋一舉而兩得之  
有是證者用之無不效惟在量其虛實而已  
本草又云惡乾漆



連翹	氣平 味苦 苦微寒氣味俱輕陰中陽也
無毒	
手足少陽經	
象云治寒熱瘰癧諸惡瘡腫除心中客熱去胃蟲通	
五淋	
心云瀉心經客熱諸家胥用瘡家聖藥也	
珍云諸經客熱非此不能除	
欽定四庫全書	湯液本草
本草云主寒熱鼠瘻瘰癧腫癭瘤結熱蟲毒去寸	
白蟲	
液云入手足少陽治瘡瘍瘤氣癭氣結核有神與柴胡	
同功但分氣血之異耳與鼠粘子同用治瘡瘍別有	
神功	
連軺	
氣寒 味苦	
本經不見所註但仲景古方所註云即連翹之根也	



人參  
方言熱者即今之炒也

氣溫 味甘 甘而微苦微寒氣味俱輕陽  
也陽中微陰無毒

象云治脾肺陽氣不足又能補肺氣促短氣少氣補  
而緩中瀉脾肺胃中火邪善治短氣非升麻為引用  
不能補上升之氣升麻一分人參三分為相得也若  
補下焦元氣瀉腎中火邪茯苓為之使

欽定四庫全書

湯液本草

心云補氣不足而瀉肺火甘溫而補陽利氣脉不足  
者是亡血也人參補之益脾與乾薑同用補氣裏虛  
則腹痛此藥補之是補不足也

珍云補胃喘嗽勿用短氣用之

本草云主補五臟安精神定魂魄止驚悸除邪氣明  
目開心益智療腸胃中冷心腹鼓痛胸脇逆滿霍亂  
吐逆調中止消渴通血脉破堅積令人不忘

液云味既甘溫調中益氣即補肺之陽泄肺之陰也





若更言補肺而不論陰陽寒熱何氣不足則悞矣若肺受寒邪宜此補之肺受火邪不宜用也肺為天之地即手太陰也為清肅之臟貴涼而不貴熱其象可知若傷熱則宜沙參沙參味苦甘微寒無毒主血積驚氣除寒熱補中益肺氣療胃痺心腹痛結熱邪氣頭痛皮間邪熱安五臟補中人參補五臟之陽也沙參苦微寒補五臟之陰也安得不異

易老云用沙參代人參取其味甘可也

欽定四庫全書

湯液本草

葛洪云沙參主卒得諸疝小腹及陰中相引痛如絞自汗出欲死細末酒調服方寸匕立瘥

日華子云治惡瘡疥癬及身痒排膿消腫毒

沙藏云今易老取沙參代人參取其甘也若微苦則補陰甘者補陽經雖云補五臟亦須各用本臟藥相佐使隨所引而相輔一臟也不可不知

沙參

味苦甘  
微寒  
無毒



治證附前人參條下  
半夏

氣微寒 味辛平 苦而辛 辛厚苦輕

陽中陰也生微寒熟溫有毒

入足陽明經太陰經少陰經

象云治寒痰及傷寒飲冷傷肺而效大和胃氣除胃  
寒進食治太陰痰厥頭痛非此不能除

心云能勝脾胃之濕所以化痰渴者禁用

欽定四庫全書

湯液本草

珍云消胸中痞去膈上痰

本草云主傷寒寒熱心下堅下氣咽喉腫痛頭眩胸  
脹欬逆腸鳴止汗消心腹脅膈痰熱滿結欬上氣  
心下急痛堅痞時氣嘔逆消癰腫墮胎療痿黃悅澤  
滿面生令人吐熟令人下用之湯洗去滑令盡用生  
薑等分製用能消痰涎開胃健脾射干為之使惡皂  
莢畏雄黃生薑乾薑秦皮龜甲及烏頭

藥性論云半夏使忌羊血海藻飴糖柴胡為之使俗



<p>用為肺藥非也止吐為足陽明除痰為足太陰小柴胡中雖為止嘔亦助柴胡能主惡寒是又為足少陽也又助黃芩能去熱是又為足陽明也往來寒熱在表裏之中故用此有各半之意本以治傷寒之寒熱所以名半夏經云腎主五液化為五濕自入為唾入肝為泣入心為汗入脾為痰入肺為涕有涎曰嗽無涎曰欬痰者因欬而動脾之濕也半夏能泄痰之標不能泄痰之本泄本者泄腎也欬無形痰有形無形</p>	<p>欽定四庫全書 湯液本草</p>	<p>則潤有形則燥所以為流濕潤燥也</p>	<p>五味子</p>	<p>氣溫 味酸 陰中陽 酸而微苦</p>	<p>味厚氣輕陰中微陽 無毒</p>	<p>入手太陰經</p>	<p>入足少陰經</p>	<p>象云大益五臟</p>	<p>孫真人云五月常服五味子以補五臟氣遇夏月季</p>
---	------------------------	-----------------------	------------	-----------------------	--------------------	--------------	--------------	---------------	-----------------------------



<p>夏之間困乏無力無氣以動與黃芪人參麥門冬少 加黃蘗煎湯服使人精神頓加兩足筋力涌出生用 珍云治效嗽</p>	<p>心云收肺氣補氣不足升也酸以收逆氣肺寒氣逆 則以此藥與乾薑同用治之</p>	<p>本草云主欬逆上氣勞傷羸瘦補不足益氣強陰益 精養五臟除熱</p>	<p>日華子云明目暖水臟治風下氣消食霍亂轉筋瘰 欽定四庫全書 湯液本草</p>	<p>癖奔豚冷氣消水腫反胃心腹氣脹止渴除煩熱解 酒毒壯筋骨五味皮甘肉酸核中辛苦都有鹹味故 名五味子仲景八味丸用此為腎氣丸述類象形也 孫真人云六月常服五味子以益肺金之氣在上則 滋源在下則補腎故入手太陰足少陰也</p>	<p>甘遂 氣大寒 味苦甘 甘純陽 有毒</p>	<p>本草云主大腹疝瘕腹滿面目浮腫留飲宿食破堅</p>
--	---	--	---	---	------------------------------	-----------------------------



<p>消積利水穀道下五水散膀胱留熱皮中痞熱氣腫 滿爪蒂為使惡遠志反甘草</p>	<p>液云可以通水而其氣直透達所結處</p>	<p>衍義云此藥專於行水攻決為用入藥須酌斟用之 珍云若水結胃中非此不能除</p>	<p>大戟 氣大寒 味苦甘 陰中微陽有小毒</p>	<p>本草云治蟲毒十二水腹滿急痛積聚中風皮膚疼 欽定四庫全書 湯液本草</p>	<p>痛吐逆脛腋癰腫頭疼發汗利大小腸此澤漆根也 液云與甘遂同為泄水之藥濕勝者苦燥除之反甘</p>	<p>草與芫花黃藥子等分水糊為丸桐子大每服十九 傷風傷寒葱白湯下</p>	<p>傷食陳皮湯下或十五丸微加至止亦可芫花別有 條海藏十棗湯同用</p>	<p>珍云瀉肺損真氣</p>	<p>薤花</p>
---	------------------------	--	-------------------------------	---	--	--	--	----------------	-----------



氣微寒 味苦辛 有毒
本草云主傷寒溫瘧下十二水破積聚大堅癥瘕蕩滌腸胃中留癖飲食寒熱邪氣利水道療痰飲效嗽衍義云仲景以薤花治利者以其行水也水去則利止其意如此用時酌斟不可太過與不及也仍察其須有是證方可用之仲景小青龍湯若微利去麻黃加薤花如雞子熬令赤色用之蓋利水也
海藻
欽定四庫全書 湯液本草
氣寒 味鹹
本草云主癭瘤氣頸下核破散結氣癰腫癥瘕堅氣腹中上下鳴下十二水腫療皮間積聚暴 <sub>口</sub> 留氣熱結利小便
珍云洗去鹹泄水氣
商陸根
氣平 味辛酸 有毒
本草云主水脹滿癥瘕除癰腫殺鬼精物治胃中



邪氣水腫痿痺腹滿洪真疏五臟散水氣如人形者 有神效
珍云辛酸同用導腫氣
旋覆花
氣溫 味鹹甘 冷利有小毒
本草云主補中下氣消堅軟痞消胃中痰結唾如膠 漆臍下膀胱留飲利大腸通血脉發汗吐下後心下 痞噫氣不除者宜此
欽定四庫全書 湯液本草
仲景治傷寒汗下後心下痞噫氣不除旋覆代赭湯 胡洽治痰飲兩脇脹滿旋覆花丸用之尤佳
澤瀉
氣平 味甘 甘鹹寒味厚陰也降也陰中 微陽
入足太陽經少陰經
象云除濕之聖藥治小便淋瀝去陰間汗無此疾服 之令人目盲



心云去舊水養新水寒水氣須用  
珍云滲瀉止渴

本草云治風寒濕痺乳難消水養五臟益氣力肥健  
補虛損五勞除五臟痞滿起陰氣止泄精消渴淋瀝  
逐膀胱三焦停水

衍義云其功尤長於行水

仲景云水搐煩渴小便不利或吐或瀉五苓散主之  
方用澤瀉故知其用長於行水本經又引扁鵲云多

欽定四庫全書

湯液本草

服病人眼誠為行去其水故也仲景八味丸用之者  
亦不過接引歸附等歸就腎經別無他意凡服澤瀉  
散人未有不小便多者小便既多腎氣焉得復實今  
人止泄精多不敢用

本經云久服明目扁鵲謂多服昏目何也易老云去  
胞中留垢以其味鹹能泄伏水故去留垢即胞中久  
陳積物也入足太陽少陰仲景治太陽中風入裏渴  
者五苓散主之





<p>紅豆</p> <p>氣溫 味辛 無毒</p> <p>本草云主腸虛水瀉心腹絞痛霍亂嘔吐酸水解酒毒不宜多服令人舌麤不能飲食</p>	<p>液云是高良薑子用紅豆復用良薑如用官桂復用</p>	<p>桂花同意</p>	<p>肉豆蔻</p>	<p>氣溫 味辛 無毒</p>	<p>欽定四庫全書</p> <p>湯液本草</p>	<p>入手陽明經</p>	<p>本草云主鬼氣溫中治積冷心腹脹痛霍亂中惡冷注嘔沫冷氣消食止泄小兒傷乳霍亂</p>	<p>甘松</p>	<p>氣平 味甘溫 無毒</p>	<p>本草云主惡氣卒心腹痛滿治黑皮黥瘡風疔齒齲</p>	<p>蜀漆</p>	<p>氣微溫 味辛 純陽 辛平 有毒</p>
--	-----------------------------	-------------	------------	-----------------	---------------------------	--------------	--	-----------	------------------	-----------------------------	-----------	------------------------



珍云破血

心云洗去腥與苦酸同用導膽

本草云主瘡及效逆寒熱腹中癥堅痞結積聚邪氣  
蠱毒鬼疰療胃中邪結氣能吐出之

成無已註云火邪錯逆加蜀漆之辛以散之

蒲黃

氣平 味甘 無毒

本草云主心腹膀胱寒熱利小便止血消瘀血又云

欽定四庫全書

湯液本草

治一切吐衄唾溺崩瀉撲癥帶下等血並皆治之并  
瘡癰通月候墮胎兒枕急痛風腫鼻洪下乳止泄精  
血利如破血消腫則生用補血止血則炒用

天門冬

氣寒 味微苦 苦而辛 氣薄味厚陰

也甘平大寒無毒陽中之陰

入手太陰經

足少陰經



<p>象云保肺氣治血熱侵肺上喘氣促加人參黃芪為主用之神效</p>
<p>心云苦以泄滯血甘以助元氣及治血妄行此天門冬之功也</p>
<p>本草云主諸暴風濕偏痺強骨髓殺三蟲去伏尸保定肺氣去寒熱養肌膚益氣力利小便冷而能補久服延年多子孫能行步益氣入手太陰足少陰經榮衛枯涸濕劑所以潤之二門冬人參北五味子枸杞</p>
<p>欽定四庫全書 湯液本草</p>
<p>子同為生脉之劑此上焦獨取寸口之意 日華子云貝母為使鎮心潤五臟益皮膚悅顏色補五勞七傷治肺氣并嗽消痰及風痺熱毒遊風煩悶吐血去心用</p>
<p>麥門冬 氣寒 味微苦甘 微寒陽中微陰也</p>
<p>無毒</p>
<p>入手太陰經</p>



<p>象云治肺中伏火脉氣欲絕加五味子人參三味為生脉之劑補肺中元氣不足</p>	<p>珍云行經酒浸湯浸去心治經枯</p>	<p>心云補心氣不足及治血妄行補心不足</p>	<p>本草云主心腹結氣傷中傷飽胃絡脉絕羸瘦短氣身重目黃心下支滿虛勞客熱口乾燥渴止嘔吐愈</p>	<p>痿麗強陰益精消穀調中保神定肺氣安五臟令人肥健美顏色有子地黄車前子為之使惡欸冬花苦</p>	<p>欽定四庫全書 湯液本草</p>	<p>瓠畏苦參青襄入手太陰</p>	<p>衍義云治肺熱之功為多其味苦但專泄而不專收寒多人禁服治心肺虛熱及虛勞麥門冬地黄麻仁阿膠潤經益血復脉通心二門冬五味子枸杞子同為生脉之劑</p>	<p>姜蕤 氣平 味甘 無毒 本草云主中風暴熱不能動搖跌筋結肉諸不足心</p>
--	----------------------	-------------------------	---	---	------------------------	-------------------	--	---



<p>腹結氣虛熱濕毒腰痛莖中寒及目痛背爛淚出久服去面黑黧</p>
<p>茵陳蒿</p>
<p>心云潤肺除熱</p>
<p>氣微寒 味苦平 陰中微陽 無毒</p>
<p>入足太陽經</p>
<p>象云除煩熱主風濕熱邪結於內去枝梗用葉</p>
<p>本草云治風濕寒熱邪氣熱結黃疸通身發黃小便</p>
<p>欽定四庫全書 湯液本草</p>
<p>不利除頭熱去伏瘕入足太陽仲景茵陳梔子大黃</p>
<p>湯治濕熱也梔子栝皮湯治燥熱也如苗澇則濕黃</p>
<p>苗旱則燥黃濕則瀉之燥則潤之可也此二藥治陽</p>
<p>黃也韓祗和李思訓治陰黃茵陳附子湯大抵以茵</p>
<p>陳為君主佐以大黃附子各隨其寒熱也</p>
<p>珍云治傷寒發黃</p>
<p>艾葉</p>
<p>氣溫 味苦 陰中之陽 無毒</p>



本草云主下痢吐血下部蠶瘡辟風寒令人有子灸百病重午日日未出時不語採

心云溫胃

白頭翁

氣寒

味辛苦

無毒有毒

本草云主溫瘧狂易

音羊

寒熱癥瘕積聚癭氣逐血

止痛療金瘡鼻衄

心云下焦腎虛純苦以堅之一名野丈人一名胡王

欽定四庫全書

湯液本草

使者

百合

氣平

味甘

無毒

本草云主邪氣腹脹心痛利大小便補中益氣除浮

腫臚脹痞滿寒熱通身疼痛及乳難喉痺止涕淚

仲景治百合病知母湯百合滑石代赭石湯有百合

鷄子湯百合地黃湯或百合病已經汗者或未經汗

下吐者或病形如初或病變寒熱並見活人書治傷



寒腹中疼百合一兩炒黃為末米飲調服

孫真人云治百合陰毒煮百合濃汁服一升

茯苓

氣溫

味甘鹹酸

無毒

本草云主五勞七傷補中除莖中寒熱痛養五臟強

陰益精氣多子婦人癥瘕除膀胱邪氣腰痛止痢久

服輕身

液云命門相火不足以此補之

欽定四庫全書

湯液本草

玄參

氣微寒

味苦鹹

無毒

象云足少陰腎經之君藥也治本經須用

本草云主腹中寒熱積聚女子產乳餘疾補腎氣令

人目明主暴中風傷寒身熱肢滿狂邪忽忽不知人

溫瘧洒洒血瘦下寒血除胃中氣下水止煩渴

易老云玄參乃樞機之劑管領諸氣上下肅清而不

濁風藥中多用之故活人書治傷寒陽毒玄參升麻



<p>湯治汗下吐後毒不散則知為肅清樞機之劑以此 論之治空中氤氳之氣無根之火以玄參為聖藥</p>
<p>欵冬花</p>
<p>氣溫 味甘辛 純陽 無毒</p>
<p>珍云溫肺止嗽</p>
<p>本草云主欵逆上氣善喘喉痺諸驚癇寒熱邪氣消 渴喘息呼吸杏仁為之使得紫苑良惡皂莢硝石玄 參畏貝母辛夷麻黃黃芪黃芩黃連青箱</p>
<p>欵定四庫全書 湯液本草</p>
<p>藥性論云君主療肺氣心促急熱乏勞欵連連不絕 涕唾稠黏肺痿肺癰吐膿</p>
<p>日華子云潤心肺益五臟除煩補勞劣消痰止嗽肺 痿吐血心虛驚悸</p>
<p>衍義云有人病嗽多日或教以燃欵冬花三兩枚於 無風處以筆管吸其煙滿口則嚥之數日效 時習云仲景射干湯用之</p>
<p>紫參</p>





氣微寒 味苦辛 無毒

本草云主心腹積聚寒熱邪氣通九竅利大小便療腸胃大熱唾血衄血腸中聚血癰腫諸瘡止渴益精仲景治痢紫參湯主之紫參半斤甘草二兩水五升煎紫參取二升却內甘草煎取半升分溫三服

苦參

氣寒 味苦 氣沉 純陰

心云除濕

欽定四庫全書

湯液本草

本草云主心腹結氣癥瘕積聚黃疸溺有餘瀝逐水除癰腫補中明目止淚養肝膽氣安五臟定志益精利九竅除伏熱腸辟止渴醒酒小便黃赤療惡瘡下部蠶平胃氣令人嗜食輕身

衍義云有人病遍身風熱細疹痒痛不可任連曾脛臍腹近陰處皆然涎痰亦多夜不得睡以苦參末一兩皂角二兩水一升揉濾取汁銀石器熬成膏和苦參末為丸如梧桐子大食後溫水下二十九至三十



<p>丸次日便愈</p> <p>時習云苦參揩齒久能病腰</p>	<p>蘆根</p> <p>氣寒 味甘</p>	<p>本草云主消渴客熱止小便金匱玉函治五噎膈氣</p> <p>煩悶吐逆不下食蘆根五兩剉水三盞煮二盞去粗</p> <p>服無時</p>	<p>射干 <small>又名烏扇</small></p> <p>欽定四庫全書</p> <p>湯液本草</p>	<p>氣平 味苦微温 有毒</p> <p>本草云主欬逆上氣喉閉咽痛不得消息散結氣腹</p> <p>中不通飲食大熱療老血在心脾間欬唾言語氣臭</p>	<p>散胃中熱氣</p> <p>衍義云治肺氣喉痺為佳</p> <p>仲景治咽中動氣或閉塞五扇湯中用</p>	<p>時習云仲景射干湯用之</p> <p>心云去胃癰</p>
---------------------------------	------------------------	--	---	---	---	--------------------------------



敗醬	氣微寒平 味苦鹹 無毒	入足少陰經	手厥陰經	本草云主暴熱火瘡赤氣疥癩疽痔馬鞍熱氣除癰	腫浮腫結熱風痺不足產後疾痛	仲景治腹癰有膿者薏苡仁附子敗醬湯薏苡仁十	分附子二分敗醬五分三物為末取方寸匕以水二	升煎取一升頓服之小便當下愈	敗蒲	氣平	本草云主筋溢惡瘡	藥性論云亦可單用主破血取蒲黃赤芍藥當歸大	黃朴硝同服治跌撲瘀血	陳藏器云聖惠方治霍亂	葦葉
----	-------------	-------	------	----------------------	---------------	----------------------	----------------------	---------------	----	----	----------	----------------------	------------	------------	----



液云同蘆差大耳	防己	氣寒 味大苦辛 苦陰也 平無毒	通行十二經	象云治腰以下至足濕熱腫盛脚氣補膀胱去留熱	通行十二經去皮用	本草云主風寒溫瘧熱氣諸癰除邪利大小便療水	腫風腫去膀胱熱傷寒寒熱邪氣中風手足攣急止	欽定四庫全書 湯液本草	泄散癰腫惡結諸蝸疥癬蟲瘡通腠理利九竅	藥性論云漢防己又又云木防己使畏女苑鹵鹹去	血中濕熱	牽牛	氣寒 味苦 有小毒黑白二種	本草云主下氣療脚滿水腫除風毒利小便	海藏云以氣藥引之則入氣以大黄引之則入血	張文懿云不可耽耆脫人元氣余初亦疑此藥不可
---------	----	-----------------	-------	----------------------	----------	----------------------	----------------------	-------------	--------------------	----------------------	------	----	---------------	-------------------	---------------------	----------------------



耽耆後見人有酒食病痞多服食藥以導其氣及服  
藏用神芎丸及犯牽牛等丸如初服即快藥過再食  
其病痞依然依前又服其痞隨藥而效藥過後病復  
至以至久服則脫人元氣而猶不知悔戒之惟當益  
脾健胃使元氣生而自能消腐水穀其法無以加矣  
心云瀉元氣去氣中濕熱凡飲食勞倦皆血受病若  
以此藥瀉之是血病瀉氣使氣血俱虛損所傷雖去  
瀉元氣損人不知也經所謂母盛盛母虛虛母絕人

欽定四庫全書

湯液本草

長命此之謂也用者戒之白者亦同

羅謙甫云牽牛乃瀉氣之藥試取嘗之使得辛辣之  
味久而嚼之猛烈雄壯漸漸不絕非辛而何續註味  
苦寒果安在哉又曰牽牛感南方熱火之化所生者  
也血熱瀉氣差誤已甚若病濕勝濕氣不得施化致  
大小便不通則宜用之耳濕去其氣周流所謂五臟  
有邪更相平也經所謂一臟未平以所勝平之火能  
平金而瀉肺氣者即此也然仲景治七種濕證小便



不利無一藥犯牽牛者仲景豈不知牽牛能瀉濕利  
小便為濕病之根在下焦是血分中氣病不可用辛  
辣氣藥瀉上焦太陰之氣故也仲景尚不敢輕用如  
此世醫一槩而用之可乎又曰牽牛辛烈瀉人元氣  
比諸辛藥尤甚以辛之雄烈故也

三稜

氣平 味苦 陰中之陽 無毒

象云治老癖癥瘕結塊婦人血脉不調心腹刺痛瀕

欽定四庫全書

湯液本草

炮用

珍云破積氣損真氣虛者勿用

液云又治氣脹血脉不調補五勞通月經消瘀血色

白破血中之氣

蓬莪朮

氣溫 味苦辛 無毒

象云治心膈痛飲食不消破痞癖氣最良炮用

本草云治婦人血氣丈夫貴豚治心腹痛中惡疰忤



草龍膽	鬼氣霍亂冷氣吐酸水解毒飲食不消酒研服 液云色黑破氣中之血入氣藥發諸香雖為泄劑亦 能益氣故孫用和治氣短不能接續所以大小七香 丸集香丸散及湯內多用此也			
氣寒	味大苦	氣味厚陰也	無毒	
珍云純陰酒浸上行	心云除下焦之濕及翳膜之濕	欽定四庫全書	湯液本草	
象云治兩目赤腫睛脹瘀肉高起疼痛不可忍以柴 胡為主治眼中疾必用之藥也去蘆	瓜萋根	氣寒	味苦	味厚陰也
本草云主消渴身熱煩滿大熱補虛安中通月水消 腫毒瘀血及熱狂	心云止渴行津液苦寒與辛酸同用導腫氣	珍云苦純陰若心中枯渴者非此不能除		



地榆	氣微寒 味甘酸 苦而酸氣味俱厚陰也 本草云主婦人乳產七傷帶下月水不止血崩之疾 除惡血止疼痛腸風泄血 象云治小兒疳痢性沉寒入下焦治熱血痢去蘆 心云去下焦之血腸風下血及瀉痢下血須用之 珍云陽中微陰治下部血
紫草	欽定四庫全書 湯液本草
茵根	氣寒 味苦 無毒 本草云主心腹邪氣五疸補中益氣利九竅通水道 治腹腫脹滿去上用葺
味苦 陰中微陽	
珍云去諸死血	
藥性論云主治六極傷心肺吐血瀉血	
日華子云止鼻洪月經不止	





菊花	苦而甘寒 無毒	心云去翳膜明目	珍云養目血	藥性論云使治身上諸風	日華子云治四肢遊風利血脉心煩曾膈壅悶	葶藶	氣大寒 味苦辛 無毒	欽定四庫全書 湯液本草	本草云主癥瘕積聚結氣飲食寒熱破堅逐邪通利水道下膀胱水伏留熱氣及脾間邪水上出面目浮腫身暴中風熱癘痺利小便久服令人虛又云療肺壅上氣欬嗽定喘促除膈中痰飲	液云苦甜二味主治同仲景用苦餘方或有用甜者或有不宣甜苦者大抵苦則下泄甜則少緩量病虛實用之不可不審本草雖云治同甜苦之味安得不異榆白皮為之使惡蠶石龍芮仲景葶藶大棗瀉
----	---------	---------	-------	------------	--------------------	----	------------	----------------	---	---



肺湯用之	王不留行	味苦	陽中之陰甘平	無毒	珍云下乳引瀉用之	藥性論云治風毒通血脉	日華子云治遊風疹婦人月經不勻	通草	氣平	味甘辛	陽也	無毒燈草同	欽定四庫全書	湯液本草	象云治陰竅不利行小水除水腫閉治五淋生用	珍云瀉肺利小便甘平以緩陰血	日華子云明目退熱催生下胞下乳	木通	氣平	味甘	甘而淡性平味薄陽也	無毒	象云主小便不利瀉小腸熱去皮用	心云通經利竅
------	------	----	--------	----	----------	------------	----------------	----	----	-----	----	-------	--------	------	---------------------	---------------	----------------	----	----	----	-----------	----	----------------	--------



瞿麥	本草云除脾胃寒熱通利九竅血脉關節令人不忘 散癰腫諸結不消墮胎去蟲		
氣寒	味苦辛	陽中微陰也	
象云主關格諸癰結小便不通治癰腫排膿明目去 翳破胎下閉血逐膀胱邪熱用穗			
珍云利小便為君主之用			
本草云出刺決癰腫明目去翳破胎墮子下閉血養			
欽定四庫全書	湯液本草		
腎氣逐膀胱邪逆止霍亂長毛髮			
車前子	氣寒	味甘鹹	無毒
象云主氣癰閉利水道通小便除濕痺肝中風熱衝 目赤痛			
本草云主氣癰止痛利水道通小便除濕痺男子傷 中女子淋瀝不飲食養肺強陰益精令人有子明目 治目熱赤痛輕身耐老			



東垣云能利小便而不走氣與猪苓同功  
石韋

此一條與本經無一字同恐別是一物有誤姑存之  
名遠墨子血見愁鹿經草也

時習云今一種作青苔蒂名蟻子槐作血見愁又隰  
州鼓角樓上一種名血見愁俱能破瘀血時習補或  
人言紫花似旋風草但花不白又有一種花黃葉似  
槐結角如菘豆俗呼夾竹梅

欽定四庫全書

湯液本草

局方本草石韋味苦甘平無毒主勞熱邪氣五癰閉  
不通利小便水道止煩下氣通膀胱滿補五勞安五  
臟去惡風益精氣

日華子云治淋遺溺杏仁為之使得菖蒲良生華陰  
又有生古瓦屋上者名瓦韋用治淋亦佳

藥性論云使治勞及五淋胞囊結熱不通膀胱熱滿

白附子

陽微温



聖惠方治五腫蠱毒	是土青木香獨行根子也	日華子云治痔瘻瘡以藥瓶中燒熏病處入藥灸用	不可	藥性論云平能主肺氣上急坐息不得主效逆連連	本草云主效嗽痰結	珍云去肺熱安肺氣補肺	苦陰中微陽	味苦寒	無毒	馬兜鈴	青黑此腎虛證也	本草云得槐香子桃仁治膀胱甚效股脇脹滿面色	珍云治元氣虛冷及腎虛冷	苦純陰	胡蘆巴	本草云主心痛血痺面上百病行藥勢	珍云主血痺行藥勢
						欽定四庫全書		湯液本草									



鬱金	瘡	日華子云味辛烈治撲損瘀血主蛇蟲咬傳疥癬毒	陳藏器云主金瘡傷折瘀血取根搗傅傷處	珍云治同半夏	味苦辛 有毒	天南星	藥性論云使治熱結不消主陰下痿治面上黥皤	欽定四庫全書 湯液本草	擊癩緩不收白癬疥蟲	本草云主癰腫惡瘡敗傷陰死肌胃中邪氣賊風鬼	珍云止肺澁白薇治證同	毒	苦甘 陰中之陰 味辛苦平微寒 無	白芨	痛	圖經云亦名土青木香實主肺病根治氣下膈止刺
----	---	----------------------	-------------------	--------	--------	-----	---------------------	----------------	-----------	----------------------	------------	---	------------------	----	---	----------------------



味辛苦 純陰	珍云涼心	局方本草鬱金味辛苦寒無毒主血積下氣生肌止	血破惡血血淋尿血金瘡	藥性論云單用亦可治婦人宿血結聚溫醋磨服	經驗方云尿血不定葱白相和煎服效	本草云生蜀者佳北人謂之馬蓮亦啖馬藥用治脹	痛破血而補	欽定四庫全書 湯液本草	佛耳草	氣熱 味酸	象云治寒嗽及痰除肺中寒大升肺氣少用欸冬花 為使過食損目	蛇床	味苦辛甘平無毒	本草云主婦人陰中腫痛男子陰痿濕痒除痺氣利 關節癩癩惡瘡溫中下氣令婦人子臟熱男子陰強
-----------	------	----------------------	------------	---------------------	-----------------	----------------------	-------	----------------	-----	----------	--------------------------------	----	---------	--



湯液本草卷中								欽定四庫全書	湯液本草						陰乾惡牡丹巴豆貝母	久服輕身好顏色令人有子一名蛇粟蛇米五月採
--------	--	--	--	--	--	--	--	--------	------	--	--	--	--	--	-----------	----------------------





欽定四庫全書

子部  
湯液本草卷下

詳校官太醫院恩糧臣孔毓秀

編修臣倉聖脈覆勛

總校官檢討臣何思鈞

校對官中書臣湯垣

謄錄監生臣萬朝宗



欽定四庫全書	湯液本草	桂	桂心 桂肉 桂枝 附	木部	元 王好古 撰	湯液本草卷下	欽定四庫全書
本草云主溫中利肝肺氣心腹寒熱冷疾霍亂轉筋	頭痛腰痛出汗止煩止唾欬嗽鼻癰墮胎堅骨節通	血脈理踈不足宣導百藥無所畏久服神仙不老生	桂陽二月八月十月採皮陰乾有茵桂牡桂木桂筒	桂肉桂板桂桂心官桂之類用者罕有分別衍義所	言不知何緣而得官之名予考本草有出觀賓宜韶	欽諸州者佳世人以筆畫多而懶書之故只作官也	如寫黃蘗作黃栢薑作姜同意茵桂生交趾山谷牡



桂生南海山谷木桂生桂陽從嶺至海盡有桂樹惟  
柳州象州最多本草所說茵桂牡桂板桂厚薄不同  
大抵細薄者為枝為嫩厚脂者為肉為老處其身者  
為中也不必色黃為桂心但不用皮與裏止用其身  
中者為桂心不經水而味薄者亦名榔桂易老用此  
以治虛人使不生熱也衍義謂桂大熱素問謂辛甘  
發散為陽故張仲景桂枝湯治傷寒表虛皆須此藥  
是專用辛甘之意也又云療寒以熱故知三種之桂

欽定四庫全書

湯液本草

不取茵桂牡桂者蓋此二種性止溫而已不可以治  
風寒之病獨有一字桂本經謂甘辛大熱正謂素問  
辛甘發散為陽之說尤知茵桂牡桂不及也然本經  
止言桂而仲景又言桂枝者蓋亦取其桂上皮也其  
本身麤厚處亦不中用諸家之說但各執一已見終  
無證據今又謂之官桂不知何緣而立名慮後世以  
為別物故於此書之又有桂心此則諸桂之心不若  
一字桂也別說交廣商人所販者及醫家見用惟陳



藏器之說最是然筒桂厚實氣味厚重者宜入治臟  
及下焦藥輕薄者宜入治眼目發散藥本經以茵桂  
養精神以牡桂利關節仲景傷寒發汗用桂枝桂枝  
者桂條也非身榦也取其輕薄而能發散一種柳桂  
乃小嫩枝條也尤宜入上焦藥仲景湯液用桂枝發  
表用肉桂補腎本乎天者親上本乎地者親下理之  
自然性分之所不可移也一有差易為效彌遠歲月  
既久習以成弊宜後世之不及古也桂心通神不可

欽定四庫全書

湯液本草

言之至於諸桂數等皆大小老壯之不同觀作官也  
本草所言有小毒或云久服神仙不老雖云小毒亦  
從類化與黃芩黃連為使小毒何施與烏附為使止  
是全得熱性若與有毒者同用則小毒既去大毒轉  
甚與人參麥門冬甘草同用能調中益氣則可久服  
可知此藥能護榮氣而實衛氣則在足太陽經也桂  
心入心則在手少陰也若指榮字立說止是血藥故  
經言通血脉也若與巴豆礪砂乾漆川山甲水蛭



<p>蟲如此有毒之類同用則小毒化為大毒其類化可知矣湯液發汗用桂枝補腎用肉桂小柴胡止云加</p>	<p>桂何也藥象謂肉桂大辛補下焦熱火不足治沉寒</p>	<p>痼冷及治表虛自汗春夏二時為禁藥</p>	<p>珍云秋冬治下部腹痛非桂不能止也</p>	<p>心云桂枝氣味俱輕故能上行發散於表內寒則肉</p>	<p>桂補陽則柳桂桂辛熱散經寒引導陽氣若正氣虛</p>	<p>者以辛潤之散寒邪治奔豚</p>	<p>欽定四庫全書 湯液本草</p>	<p>栝子仁</p>	<p>氣平 味甘辛 無毒</p>	<p>本草云主安五臟除風濕痺益氣血能長生令人潤</p>	<p>澤美顏色耳目聰明用之則潤腎之藥也</p>	<p>藥性論云栝子仁君惡菊花畏羊蹄草能治腰腎中</p>	<p>冷膀胱冷膿宿水與陽道益壽去頭風治百邪鬼魅</p>	<p>主小兒驚癇栝子仁古方十精丸用之</p>	<p>側栝葉</p>
---	-----------------------------	------------------------	------------------------	-----------------------------	-----------------------------	--------------------	------------------------	------------	------------------	-----------------------------	-------------------------	-----------------------------	-----------------------------	------------------------	------------



氣微溫	味苦	無毒
本草云主吐血衄血及痢血崩中赤白輕身益氣令人耐寒暑		
藥性論云側栢葉苦辛性澁治冷風歷節疼痛止尿		
血與酒相宜		
栢皮		
本草黑字栢白皮主火灼爛瘡長毛髮		
槐實		
欽定四庫全書		
湯液本草		
味苦酸鹹寒		無毒
珍云與桃仁治證同		
藥性論云臣治大熱難產皮煮汁治淋陰囊墜腫氣瘤		
又槐白皮治口齒風疔		
日華子云槐子治丈夫女人陰瘡濕痒催生吞七粒		
皮治中風皮膚不仁喉痺洗五痔產門痒痛及湯火		
瘡煎膏止痛長肉消癰腫		
別錄云八月斷槐大枝使生嫩蘗煮汁釀酒療大風		



<p>痿痺甚效槐耳主五痔心痛女人陰中瘡痛景天為之使槐花味苦無毒治五痔心痛眼赤殺腹臟蟲及熱治皮膚風腸風瀉血赤白痢槐膠主一切風化痰治肝臟風筋脉抽掣急風口禁四肢不收頑痺或毒風周身如蟲行或破傷風口眼偏斜腰膝強硬槐葉平無毒煎湯洗小兒驚癇壯熱疥癬丁瘡皮莖同用</p>	<p>良</p>	<p>槐花</p>	<p>欽定四庫全書 湯液本草</p>	<p>苦薄陰也</p>	<p>珍云涼大腸熱</p>	<p>蔓荆子</p>	<p>氣清 味辛溫苦甘 陽中之陰</p>	<p>太陽經藥</p>	<p>象云治太陽經頭痛頭昏悶除目暗散風邪藥胃虛人勿服恐生<sub>口</sub>疾揀淨杵碎用</p>	<p>珍云涼諸經血止頭痛主目睛內痛</p>
---	----------	-----------	------------------------	-------------	---------------	------------	----------------------	-------------	--	-----------------------



本草云惡烏豆石膏	大腹子	氣微溫 味辛無毒	本草云主冷熱氣攻心腹大腸壅毒痰膈醋心並以薑鹽同煎時習謂是氣藥也	孫真人云先酒洗後大豆汁洗仲景用	日華子云下一切氣止霍亂通大小腸健脾開胃調	中	欽定四庫全書	湯液本草	酸棗	氣平 味酸 無毒	本草云主心腹寒熱邪結氣聚四肢酸疼濕痺煩心不得眠臍上下痛血轉久泄虛汗煩渴補中益肝氣堅筋骨助陰氣令人肥健久服安五臟輕身延年	胡洽治振悸不得眠人參白朮白茯苓甘草生薑酸棗仁六物煮服	聖惠方膽虛不眠寒也酸棗仁炒香竹葉湯調服
----------	-----	----------	---------------------------------	-----------------	----------------------	---	--------	------	----	----------	---	----------------------------	---------------------





胡椒	氣溫 味辛 無毒	本草云主下氣溫中去痰除臟腑中風冷向陽者為胡椒向陰者為華澄茄胡椒多服損肺味辛辣力大於漢椒	衍義云去胃中寒痰吐水食已即吐甚驗過劑則走氣大腸寒滑亦用須各以他藥佐之	川椒	欽定四庫全書 湯液本草	氣熱溫 味大辛 辛溫大熱有毒	象云主邪氣溫中除寒痺堅齒髮明目利五臟須炒去汗	心云去汗辛熱以潤心寒	本草云主邪氣欬逆溫中逐骨節皮膚死肌寒濕痺痛下氣除六腑寒冷傷寒溫瘧大風汗不出心腹留飲宿食腸澼下痢泄精女子字乳飲疾散風邪癥結水腫黃疸鬼疰蟲毒耐寒暑開腠理閉口者殺人惡
----	----------------	---	------------------------------------	----	----------------	----------------------	------------------------	------------	--



括萋防葵畏雌黃

吳茱萸

氣熱 味辛苦 氣味俱厚陽中陰也

辛溫大熱 有小毒

入足太陰經少陰經厥陰經

象云食則令人口開目證寒邪所膈氣不得上下此  
病不已令人寒中腹滿膨脹下利寒氣諸藥不可代  
也洗去苦味日乾杵碎用

欽定四庫全書

湯液本草

心云去胃中逆氣不宜多用辛熱恐損元氣

珍云溫中下氣溫胃

本草云主溫中下氣止痛效逆寒熱除濕血痺逐風  
邪開腠理去痰冷腹內絞痛諸冷實不消中惡心腹  
痛逆氣利五臟入足太陰少陰厥陰震坤合見其色  
綠

仲景云吳茱萸湯當歸四逆湯大溫脾湯又脾胃藥  
皆用此也



衍義云此物下氣最速腸虛人服之愈甚蓼實為之  
使惡丹參硝石白堊畏紫石英

山茱萸

氣平 微溫 味酸 無毒

入足厥陰經少陰經

本草云主溫中逐寒濕痺強陰益精通九竅止小便  
入足少陰厥陰

聖濟經云滑則氣脫澁劑所以收之山茱萸之澁以

欽定四庫全書

湯液本草

收其滑仲景八味丸用為君主知是澁劑以通九竅  
雷公云用之去核一斤取肉四兩緩火熬用能壯元  
氣祕精核能滑精故去之

珍云溫肝

本經云止小便利以其味酸也觀八味丸用為君主  
其性味可知矣

藥性論云補腎添精

日華子亦云煖腰膝助水臟也



益智	氣熱	味大辛	辛溫無毒
主君相二火手足太陰經	足少陰經	本是脾經藥	象云治脾胃中受寒邪和中益氣治多唾當於補中藥內兼用之勿多服去皮用
本草云主遺精虛漏小便遺瀝益氣安神補不足安	欽定四庫全書	湯液本草	三焦調諸氣夜多小便者取二十四枚碎之入鹽同煎服有神效
液云主君相二火手足太陰足少陰本是脾藥在集香丸則入肺在四君子湯則入脾在大鳳髓丹則入腎脾肺腎互有子母相關	厚朴	氣溫	味辛
陽中之陰	苦而辛	無毒	



象云能治腹脹若虛弱雖腹脹宜斟酌用之寒脹是  
大熱藥中兼用結者散之神藥誤用脫人元氣切禁  
之紫色者佳去皮薑汁製微炒

珍云去腹脹厚腸胃

心云味厚陰也專去腹脹滿去邪氣

本草云主中風傷寒頭痛寒熱驚悸氣血痺死肌去  
三蟲溫中益氣消痰下氣療霍亂及腹痛脹滿胃中  
冷逆胃中嘔不止泄痢淋露除驚去留熱心煩滿厚

欽定四庫全書

湯液本草

腸胃

本經云治中風傷寒頭痛溫中益氣消痰下氣厚腸  
胃去腹脹滿果泄氣乎果益氣乎若與枳實大黃同  
用則能泄實滿本經謂消痰下氣者是也若與橘皮  
蒼朮同用則能除濕滿本經謂溫中益氣者是也與  
解利藥同用則治傷寒頭痛與痢藥同用則厚腸胃  
大抵苦溫用苦則泄用溫則補  
衍義云平胃散中用之最調中至今盛行既能溫脾



沉香	補胃大能療腎	液云與五味子廣茂同用亦治奔豚之氣能泄肺能	消痰癖除冷勞	能發諸香能療反胃腎氣奔豚氣陰痛壯陽暖腰膝	本草云主溫脾胃止霍亂擁脹風毒諸腫牙齒疔蠱	珍云去胃中之寒	陽煖腰膝殺酒毒	欽定四庫全書 湯液本草	象云溫脾胃止霍亂消痰癖氣脹反胃腹內冷痛壯	足陽明經少陰經	入手太陰經	氣溫 味辛 純陽 無毒	丁香	海藏云加減隨證如五積散治療同	本草又云乾薑為使惡澤瀉寒水石硝石	胃又能走冷氣
----	--------	----------------------	--------	----------------------	----------------------	---------	---------	----------------	----------------------	---------	-------	-------------	----	----------------	------------------	--------



氣微温 陽也	本草云治風水毒腫去惡氣能調中壯陽煖腰膝破癥癖冷風麻痺骨節不任濕風皮膚痒心腹痛氣痢止轉筋吐瀉	東垣云能養諸氣上而至天下而至泉用為使最相宜	珍云補右命門	乳香	欽定四庫全書 湯液本草	苦陽	珍云定諸經之痛	藿香	氣微温 味甘辛 陽也 甘苦 純	陽 無毒	入手足太陰經	象云治風水去惡氣治脾胃吐逆霍亂心痛去枝梗用葉
--------	---	-----------------------	--------	----	----------------	----	---------	----	-----------------	------	--------	------------------------



心云芳馨之氣助脾開胃止嘔	珍云補衛氣益胃進食	本草云主脾胃嘔逆療風水毒腫去惡氣療霍亂心	痛溫中快氣治口臭上焦壅煎湯漱口入手足太陰	入順氣烏藥則補肺入黃芪四君子湯則補脾	檀香	氣溫 味辛熱 無毒	入手太陰經	欽定四庫全書 湯液本草	足少陰經	通行陽明經藥	本草云主心腹痛霍亂中惡鬼氣殺蟲又云治腎氣	諸痛腹痛消熱腫	東垣云能調氣而清香引芳香之物上行至極高之	分最宜橙橘之屬佐以薑棗將以葛根豆蔻縮砂益	智通行陽明之經在膈之上處咽嗑之中同為理	氣之藥
--------------	-----------	----------------------	----------------------	--------------------	----	-----------	-------	----------------	------	--------	----------------------	---------	----------------------	----------------------	---------------------	-----





<p>珍云主心腹霍亂中惡引胃氣上升進食</p> <p>蘇合香</p>	<p>味甘温</p> <p>無毒</p>	<p>本草云主辟惡殺鬼精物温瘧蠱毒癰瘡去三蟲除邪令人無夢魘以服通神明輕身長年中臺中谷禹錫云按梁書云中天竺國出蘇合香是諸香汁煎之非自然一物也</p>	<p>檳榔</p>	<p>欽定四庫全書</p> <p>湯液本草</p>	<p>氣温</p> <p>味辛苦</p> <p>味厚氣輕陰中陽也</p>	<p>純陽</p> <p>無毒</p>	<p>象云治後重如神性如鐵石之沉重能墜諸藥至於下極杵細用</p>	<p>心云苦以破滯辛以散邪專破滯氣下行</p>	<p>珍云破滯氣泄胃中至高之氣</p>	<p>本草云主消穀逐水除痰癖下三蟲去伏尸療寸白</p>	<p>蟲</p>
------------------------------------	----------------------	---	-----------	---------------------------	--------------------------------------	---------------------	----------------------------------	-------------------------	---------------------	-----------------------------	----------



梔子

氣寒 味微苦 味苦性大寒味薄陰中陽

也 無毒

入手太陰經

象云治心煩懊懣而不得眠心神顛倒欲絕血滯小

便不利杵細用

心云去心中客熱除煩躁與豉同用

珍云止渴去心懊懣煩躁

欽定四庫全書

湯液本草

本草云主五內邪氣胃中熱氣面赤酒皸皴鼻白癩  
赤癩瘡瘍療目熱亦痛胃心大小腸太熱心中煩悶  
胃中熱氣

仲景用梔子治煩曾為至高之分也故易老云輕浮  
而象肺色赤而象火故能瀉肺中之火本草不言

吐仲景用此為吐藥梔子本非吐藥為邪氣在上拒  
而不納故令上吐邪因得以出經曰其高者因而越

之此之謂也或用梔子利小便實非利小便清肺也



欽定四庫全書

湯液本草

子所謂越桃者是也

衍義云仲景治傷寒發汗吐下後虛煩不得眠若劇者必反覆顛倒心中懊懣以梔子豉湯治虛煩故不用大黃以有寒毒故也梔子雖寒無毒治胃中熱氣既亡血亡津液臟腑無潤養内生虛熱非此不可除又治心經留熱小便赤澁去皮山梔子火煨大黃連翹甘草炙等分末之水煎三錢匕服之無不效仲景傷寒論及古今諸名醫治發黃皆用梔子茵陳



香豉甘草四物等分作湯飲之又治大病起勞復皆  
用梔子鼠矢等湯並利小便而愈其方極多不可悉  
載用仁去心曾中熱用皮去肌表熱

黃蘗

氣寒 味苦 苦厚微辛陰中之陽降也

無毒

足太陽經引經藥

足少陰經之劑

欽定四庫全書

湯液本草

象云治腎水膀胱不足諸痿厥脚膝無力於黃芪湯  
中少加用之使兩膝中氣力湧出痿即去矣蜜炒此  
一味為細末治口瘡如神癱瘓必用之藥

珍云瀉膀胱之熱利下竅

心云太陽經引經藥瀉膀胱經火補本經及腎不足  
苦寒安虻療下焦虛堅腎經曰苦以堅之

本經云主五臟腸胃中結熱黃疸腸痔止泄痢女子  
漏下赤白陰傷蝕瘡療驚氣在皮間肌膚熱赤起目



熱赤痛口瘡久服通神	液云足少陰劑腎苦燥故腎停濕也梔子黃芩入肺	黃連入心黃蘗入腎燥濕所歸各從其類也活人書	解毒湯上下內外通治之惡乾漆	枳實	氣寒 味苦酸鹹 純陰 無毒	象云除寒熱破結實消痰癖治心下痞逆氣脇痛麩炒用	欽定四庫全書 湯液本草	心云潔古用去脾經積血故能去心下痞脾無積血則心下不痞治心下痞散氣消宿食苦寒炙用破水積以泄裏除氣	珍云去胃中濕	本草云主大風在皮膚中如麻豆苦痒除寒熱結止痢長肌肉利五臟益氣輕身除胃脇痰癖逐停水破結實消脹滿心下急痞痛逆氣脇風痛安胃氣止瘡	泄明目生河內川澤商州者佳益氣則佐之以人參
-----------	----------------------	----------------------	---------------	----	---------------	------------------------	----------------	--	--------	--	----------------------



<p>乾薑白朮破氣則佐之以大黃牽牛芒硝此本經所以言益氣而復言消痞也非白朮不能去濕非枳實不能除痞殼主高而實主下高者主氣下者主血主氣在膺膈主血者在心腹仲景治心下堅大如盤水飲所作枳實白朮湯主之枳實七枚朮三兩水一斗煎取三升分三服腹中軟即消</p>
<p>衍義云枳殼枳實一物也小則性酷而速大則性詳而緩故仲景治傷寒倉卒之病承氣湯中用枳實此</p>
<p>欽定四庫全書 湯液本草</p>
<p>其意也皆取其疎通決泄破結實之意他方但導敗風壅之氣可常服者故用枳殼故膺中痞有桔梗枳殼湯心下痞有枳實白朮湯高低之分易老詳定為的也</p>
<p>枳殼 氣寒 味苦 苦而酸微寒 味薄氣厚 陽也陰中微陽 無毒</p>
<p>象云治脾胃痞塞泄肺氣麩炒用</p>



<p>心云治胃中氣勝濕化痰勿多用損胃中至高之氣 珍云破氣</p>	<p>本草云主風痒麻痺通利關節勞氣欬背膊悶倦 散留結胃膈痰滯逐水消脹滿大腸風安胃止風痛</p>	<p>藥性論云枳殼使味苦辛治遍身風疹肌中如麻豆 惡痒殼高生皮毛胸膈之病實主心胃之病其主治</p>	<p>大同小異</p>	<p>牡丹皮</p>	<p>欽定四庫全書 湯液本草</p>	<p>氣寒 味苦辛 陰中微陽辛苦微寒</p>	<p>無毒</p>	<p>手厥陰經</p>	<p>足少陰經</p>	<p>象云治腸胃積血及衄血吐血必用之藥</p>	<p>珍云涼骨蒸</p>	<p>本草云主寒熱中風癩癰瘡除時氣頭痛客熱五勞之 留舍腸胃安五臟療癰瘡除時氣頭痛客熱五勞之</p>
--------------------------------------	---	--	-------------	------------	------------------------	------------------------	-----------	-------------	-------------	-------------------------	--------------	---



氣腰痛風噤癩疾
易老云治神志不足神不足者手厥陰志不足者足
少陰故仲景八味丸用之牡丹乃天地之精羣花之
首葉為陽發生花為陰成實丹為赤即火故能瀉陰
中之火牡丹皮手厥陰足少陰治無汗骨蒸地骨皮
足少陰手少陽治有汗骨蒸也
地骨皮
氣寒 味苦 陰也大寒 無毒
欽定四庫全書
湯液本草
足少陰經
手少陽經
象云解骨蒸肌熱主風濕痺消渴堅筋骨去骨用根
皮
心云去肌熱及骨中之熱
珍云涼血涼骨
本草云主五內邪氣熱中消渴周痺風濕下胷脇氣
客熱頭痛補內傷大勞噓吸堅筋骨強陰利大小腸





藥性論云根皮細剉麵拌熟煑吞之主腎消風益精
氣
衍義云枸杞當用梗皮地骨當用根皮枸杞子當用
其紅實實微寒皮寒根大寒
猪苓
氣平
味甘苦甘寒
甘苦而淡甘重於苦
陽也
無毒
入足太陽經少陰經
欽定四庫全書
湯液本草
象云除濕比諸淡滲藥大燥亡津液無濕證勿服去
皮用
心云苦以泄滯甘以助陽淡以利竅故能除濕利小
便
珍云利小便
本草云主欬瘧解毒蠱症不祥利水道能療妊娠淋
又治從脚上腹腫小便不利仲景少陰渴者猪苓湯
入足太陽少陰



衍義云行水之功多久服必損腎氣昏人目果欲久服者更宜詳審

茯苓

氣平 味淡 味甘而淡陽也 無毒

白者入手太陰經足太陽經少陽經

赤者入足太陰經手太陽經少陰經

象云止渴利小便除濕益燥和中益氣利腰臍間血

為主治小便不通溺黃或赤而不利如小便利或數

欽定四庫全書

湯液本草

服之則大損人目如多汗人服之損真氣天人壽醫

云赤瀉白補上古無此說去皮用

心云淡能利竅甘以助陽除濕之聖藥也味甘平補

陽益脾逐水濕淫所勝小便不利淡味滲泄陽也治

水緩脾生津導氣

珍云甘純陽滲泄止渴

本草云主胃脇逆氣憂恚驚邪恐悸心下結痛寒熱

煩滿欬逆口焦舌乾利小便止消渴好唾大腹淋瀝



消膈中痰水水腫淋結開胃腑調臟氣伐腎邪長陰 益氣力保神守中
液云入足少陰手足太陽色白者入辛壬癸赤者入 丙丁伐腎邪小便多能止之小便澁能利之與車前 子相似雖利小便而不走氣酒浸與光明硃砂同用 能祕真味甘平如何是利小便
茯神
陽也 味甘 無毒
欽定四庫全書 湯液本草
珍云治風眩心虛非此不能安
藥性論云君主驚癇安神定志補虛乏主心下急痛 堅滿人虛而小便不利者
烏藥
氣溫 味辛 無毒
入足陽明經少陰經
本草云主中惡心腹痛蠱毒疰忤鬼氣宿食不消婦 人血氣小兒腹中諸蟲又云去猫涎極妙烏藥葉及



<p>根嫩時採作茶片炙碾煎服能補中益氣偏止小便滑數</p>	<p>乾漆 氣溫平 味辛 無毒有毒</p>	<p>本草云主絕傷補中續筋骨填髓腦安五臟治五緩六急風寒濕痺療效嗽消瘀血痞結腰痛女子疝瘕利小腸去虻蟲生漆去長蟲半夏為之使畏雞子忌</p>	<p>油脂 欽定四庫全書 湯液本草</p>	<p>皂莢 氣溫 味辛鹹 有小毒 引入厥陰經藥</p>	<p>本草云主風痺死肌邪氣風頭淚出利九竅療腹脹滿消穀除效嗽治囊縮婦人胞不落明目益精可為沐藥不入湯</p>	<p>日華子云通關節除頭風消痰殺勞蟲治骨蒸開胃破堅瘦腹中痛能墮胎栢實為之使惡麥門冬畏空</p>
-------------------------------	---------------------------	---	-------------------------------	-------------------------------------	--	---



青人參苦參

仲景治欬逆上氣唾濁但坐不得卧皂莢丸主之杵

末一物蜜丸桐子大用棗湯服一九日三夜一

活人書治陰毒正陽散內用皂莢引入厥陰也用之

有蜜炙酥炙燒灰之異等分依方

竹葉

氣平 味辛又苦大寒 辛平無毒

本草云主欬逆上氣溢筋急惡瘍治小蟲除煩熱風

欽定四庫全書

湯液本草

瘧喉痺嘔吐

仲景竹葉湯用淡竹葉

心云除煩熱緩皮而益氣

珍云陰中微陽涼心經

竹茹

氣微寒 味苦

本草云主嘔澁溫氣寒熱吐血崩中益筋

淡竹葉



氣寒 味辛平	本草云主曾中痰熱效逆上氣	藥性論云淡竹葉主吐血熱毒風壓丹石藥毒止渴	日華子云淡竹及根消痰治熱狂煩悶中風失音不	語壯熱頭痛頭風并懷孕婦人頭旋倒地止驚悸溫	疫迷悶小兒驚癇天弔莖葉同用見局方本草今附	錄於此	茗苦茶	欽定四庫全書 湯液本草	氣微寒 味苦甘 無毒	入手足厥陰經	液云臘茶是也清頭目利小便消熱渴下氣消食令	人少睡中風昏憤多睡不醒宜用此入手足厥陰茗	苦茶苦甘微寒無毒主癯瘡利小便去痰熱渴治陰	證湯藥內用此去格拒之寒及治伏陽大意相似茶	苦經云苦以泄之其體下行如何是清頭目	秦皮
--------	--------------	----------------------	----------------------	----------------------	----------------------	-----	-----	----------------	------------	--------	----------------------	----------------------	----------------------	----------------------	-------------------	----



氣寒	味苦	無毒
液云主熱利下重下焦虛經云以苦堅之故用白頭	翁黃蘗秦皮苦之劑也治風寒濕痺目中青翳白膜	男子少精婦人帶下小兒驚癇宜作湯洗目俗呼為
白椹木取皮漬水浸出青藍色與紫草同用以增光	暈尤佳大戟為之使惡吳茱萸	桑白皮
氣寒	味苦酸	甘而辛
		甘厚辛薄
欽定四庫全書	湯液本草	
無毒		
入手太陰經		
象云主傷中五勞羸瘦補虛益氣除肺氣止唾血熱		
渴消水腫利水道		
心云甘以固元氣辛以瀉肺氣之有餘		
本草云治傷中五勞六極羸瘦崩中脉絕補虛益氣		
去肺中水氣唾血熱渴水腫腹滿臚脹利水道去寸		
白可縫金瘡出上者殺人續斷麻子桂心為之使忌		



鐵鉛	梓白皮	氣寒 味苦 無毒	本草云主熱去三蟲治目中疾生河內山谷今近道皆有之木似梧桐	紫葳 <small>即凌霄花</small>	氣微寒 味酸 無毒	本草云主婦人產乳餘疾崩中癥瘕血閉寒熱羸瘦	欽定四庫全書 <small>湯液本草</small>	養胎莖葉味苦無毒主痿癘益氣	日華子云根治熱風身痒遊風風疹治瘀血帶下花	葉功用同又云凌霄花治酒齏熱毒風刺婦人血膈	遊風崩中帶下	衍義云木也紫葳花是也畏鹵鹹	訶黎勒	氣溫 味苦 苦而酸性平 味厚陰也	降也苦重酸性 無毒
----	-----	----------	-----------------------------	---------------------------	-----------	----------------------	-------------------------------	---------------	----------------------	----------------------	--------	---------------	-----	------------------	-----------





象云主腹脹滿不下飲食消疾下氣通利津液破胃  
膈結氣治久痢赤白腸風去核搗細用

心云經曰肺苦氣上逆急食苦以泄之以酸補之苦  
重瀉氣酸輕不能補肺故嗽藥中不用俗名訶子隨

風子

本草云主冷氣心腹滿下食仲景治氣痛以訶黎勒  
十枚麵裹煨灰火中煨之令麵黃熟去核細研為末  
和粥飲頓服

欽定四庫全書

湯液本草

衍義云氣虛人亦宜緩緩煨熟少服此物能澁腸而  
又泄氣蓋其味苦澁故爾其子味熟時風飄墮者謂  
之隨風子

杜仲

味辛甘平溫無毒陽也降也

本草云主腰脊痛補中益精氣堅筋骨強志除陰下  
濕痺小便餘瀝脚中酸疼不欲踐地久服輕身耐老  
惡蛇脫皮玄參



琥珀 日華子云煖治腎勞腰脊攣入藥灸用	氣平 味甘 陽也	珍云利小便清肺	本草云安五臟定魂魄消瘀血通五淋杵細用	藥性論云君治產後血疹痛	日華子云療蟲毒壯心明目磨翳止心痛癩邪破癥	結	欽定四庫全書 湯液本草	郁李仁 味苦辛 陰中之陽 辛苦陰也	珍云破血潤燥	本草云郁李根主齒斷腫齩齒堅齒去白蟲	藥性論云根治齒痛宣結氣破積聚	日華子云根涼無毒治小兒發熱作湯浴風蟲牙濃	煎含之	巴豆
-----------------------	----------	---------	--------------------	-------------	----------------------	---	----------------	----------------------	--------	-------------------	----------------	----------------------	-----	----



癰腫疔瘻殺蟲魚消曾中痰水喜 <small>去聲</small> 唾水腫五水	本藥云主效逆上氣喉鳴喘急咽腫短氣蠱毒鬼瘡	氣溫 味辛苦 有小毒	芫花	珍云去胃中寒濕	色并餘例並見元戎	客忤備急圓主之巴豆杏仁例及加減寒熱佐使五	研用可以通腸可以止泄世所不知也仲景治百病	欽定四庫全書 湯液本草	膜油生用若緩治為消堅磨積之劑炒煙去令紫黑	雷公云得火則良若急治為水穀道路之劑去皮心	易老云斬關奪門之將大宜詳悉不可輕用	瘡膿不利丈夫陰癩殺斑猫毒健脾開胃	惡肉除鬼毒蠱疰邪物殺蟲魚療女子月閉爛胎金	癖大腹水脹蕩滌五臟六腑開通閉塞利水穀道去	本草云主傷寒溫瘧寒熱破癥瘕結聚堅積留飲痰	氣溫 味辛 生溫熱寒 有大毒
---	----------------------	------------	----	---------	----------	----------------------	----------------------	----------------	----------------------	----------------------	-------------------	------------------	----------------------	----------------------	----------------------	----------------



在五臟皮膚及腰痛下寒毒肉毒久服令人虛仲景  
治太陽中風脇下痛嘔逆者可攻十棗湯主之

液云胡洽治痰癖飲癖加以大黃甘草五物同煎以

相反主之欲其大吐也治之大畧水者肺腎胃三經

所主有五臟六腑十二經之部分上而頭中而四肢

下而腰臍外而皮毛中而肌肉內而筋骨脉有尺寸

之殊浮沉之異不可輕瀉當知病在何經何臟誤用

則害深然大意泄濕內云五物者即甘遂大戟芫花

欽定四庫全書

湯液本草

大黃甘草也

蘇木

氣平

味甘鹹

甘而酸辛性平

甘勝

於酸辛

陽中之陰也無毒

本草云主破血產後血脹悶欲死者排膿止痛消癰

腫瘀血婦人月水不調及血暈口噤

心云性平甘勝於酸辛去風與防風同用

珍云破死血



川練子	氣寒 味苦平 有小毒	本草云治傷寒大熱煩躁殺三蟲疥瘍利小便杵細	用	珍云入心主上下部腹痛	金鈴子	酸苦 陰中之陽	珍云心暴痛非此不能除即川練子也	欽定四庫全書 湯液本草	沒藥	味苦平 無毒	本草云主破血止痛療金瘡杖瘡諸惡瘡痔漏卒下	血目中翳暈痛膚赤生波斯國似安息香其塊大小	不定黑色	梧桐淚	味鹹	珍云瘰癧非此不能除
-----	------------	----------------------	---	------------	-----	---------	-----------------	----------------	----	--------	----------------------	----------------------	------	-----	----	-----------



<p>本草云味鹹苦大寒無毒主大毒熱心腹煩漏水和服之取土又主牛馬急黃黑汗水研三二兩灌之立</p>	<p>瘥</p>	<p>日華子云治風蟲牙齒痛殺火毒并麵毒</p>	<p>海藏云主風疔蠱齒牙疼痛骨槽風勞能軟一切物</p>	<p>多服令人吐也又為金銀鐸藥</p>	<p>桑東南枝</p>	<p>時習云根暖無毒研汁治小兒天弔驚癇客忤及傳</p>	<p>欽定四庫全書 湯液本草</p>	<p>鵝口瘡大效</p>	<p>果部</p>	<p>大棗</p>	<p>氣溫 味甘 氣厚陽也 無毒</p>	<p>珍云味甘補經不足以緩陰血</p>	<p>液云主養脾氣補津液強志三年陳者核中仁主腹</p>	<p>痛惡氣卒症忤治心懸經云助十二經脉治心腹邪</p>	<p>氣和百藥通九竅補不足氣生者多食人腹脹注泄</p>
---	----------	-------------------------	-----------------------------	---------------------	-------------	-----------------------------	------------------------	--------------	-----------	-----------	----------------------	---------------------	-----------------------------	-----------------------------	-----------------------------



<p>蒸熟食補腸胃肥中益氣中滿者勿食甘甘者令人中滿故大建中湯心下痞者減飴棗與甘草同例</p>	<p>生棗 味甘辛</p>	<p>多食令人多寒熱羸瘦者不可食葉覆麻黃能令出汗生河東平澤殺烏頭毒</p>	<p>陳皮</p>	<p>氣溫 味微苦 辛而苦 味厚陰也</p>	<p>欽定四庫全書 湯液本草</p>	<p>無毒</p>	<p>象云能益氣加青皮減半去滯氣推陳致新若補脾胃不去白若理胃中肺氣須去白</p>	<p>心云導胃中滯氣除客氣有白朮則補脾胃無白朮則瀉脾胃然勿多用也</p>	<p>珍云益氣利肺有甘草則補肺無甘草則瀉肺 本草云主胃中痰熱逆氣利水穀下氣止嘔效除膀胱留熱停水五淋利小便主脾不能消穀氣衝胃中</p>
--	-------------------	---------------------------------------	-----------	------------------------	------------------------	-----------	--	--------------------------------------	--



吐逆霍亂止瀉去寸白蟲能除痰解酒毒海藏治酒  
毒葛根陳皮茯苓甘草生薑湯手太陰氣逆上而不  
下宜以此順之陳皮白檀為之使其芳香之氣清奇  
之味可以奪橙也

青皮

氣溫 味辛 苦而辛性寒氣厚陰也

足厥陰經引經藥

又入手少陽經

欽定四庫全書

湯液本草

象云主氣滯消食破積結膈氣去穰

心云厥陰經引經藥也有滯氣則破滯氣無滯氣則  
損真氣

液云主氣滯下食破積結及膈氣或云與陳皮一種  
青皮小而未成熟成熟而大者橘也色紅故名紅皮  
日久者佳故名陳皮如枳實枳殼一種實小而輕未  
穰殼大而黃紫色已穰故殼高而治胃膈實低而治  
心下與陳皮治高青皮治低同意又云陳皮青皮二





種枳實枳殼亦有二種	桃仁	氣溫 味苦甘性平 苦重於甘陰中陽也	無毒	入手足厥陰經	象云治大便血結血祕血燥通潤大便七宣丸中專	治血結破血以湯浸去皮尖研如泥用	心云苦以泄滯血甘以生新血故凝血須用又去血	欽定四庫全書	湯液本草	中之熱	本草云主瘀血血閉癥瘕邪殺小蟲止欬逆上氣消	心下堅除卒暴擊血通月水止痛破血入手足厥陰	衍義云老人虛祕與栝子仁大麻仁松子仁等分同研鎔白	蠟和丸如桐子大以少黃丹湯下仲景治中焦畜血用之	杏仁	氣溫 味甘苦冷利 有小毒	入手太陰經
-----------	----	-------------------------	----	--------	----------------------	-----------------	----------------------	--------	------	-----	----------------------	----------------------	-------------------------	------------------------	----	--------------------	-------



象云除肺燥治風燥在膺膈間麩炒去皮尖用  
心云散結潤燥散肺之風及熱是以風熱嗽者用之  
本草云主欬逆上氣雷鳴喉痺下氣產乳金瘡寒心  
賁豚驚癇心下煩熱風氣往來時行頭痛解肌消心  
下急殺狗毒破氣入手太陰王朝奉治傷寒氣上喘  
衝逆者麻黃湯內加杏仁陳皮若氣不喘衝逆者減  
杏仁陳皮知其能瀉肺也

東垣云杏仁下喘用治氣也桃仁療狂用治血也桃

欽定四庫全書

湯液本草

杏仁俱治大便秘當以氣血分之晝則難便行陽氣  
也夜則難便行陰氣也大腸雖屬庚為白若以晝夜  
言之氣血不可不分也年虛人大便秘不可過泄  
者脉浮在氣杏仁陳皮脉沉在血桃仁陳皮所以俱  
用陳皮者以其手陽明病與手太陰俱為表裏也賁  
門上主往來魄門下主收閉故王氏言肺與大腸為  
通道也

烏梅



<p>氣平 味酸 酸溫陽也 無毒</p>	<p>象云主下氣除熱煩滿安心調中治痢止渴以鹽為</p>	<p>白梅亦入除藥去核用</p>	<p>心云收肺氣</p>	<p>本草云王肢體痛偏枯不仁死肌去青黑痣惡疾止下</p>	<p>痢好唾口乾去骨間熱又方治一切惡瘡肉出以烏梅</p>	<p>燒為灰杵末傅上惡肉立盡仲景治吐虵下利烏梅丸</p>	<p>木瓜</p>	<p>欽定四庫全書 湯液本草</p>	<p>氣溫 味酸</p>	<p>入手足太陰經</p>	<p>本草云治脚氣濕痺邪氣霍亂大吐下轉筋不止益</p>	<p>肺而去濕和胃而滋脾</p>	<p>衍義云木瓜得木之正故入筋以鉛白霜塗之則失</p>	<p>酸味受全制也此物入肝故益筋與血病腰腎脚膝</p>	<p>無力此物不可缺也</p>	<p>東垣云氣脫則能收氣滯則能和</p>
----------------------	-----------------------------	------------------	--------------	------------------------------	------------------------------	------------------------------	-----------	------------------------	--------------	---------------	-----------------------------	------------------	-----------------------------	-----------------------------	-----------------	----------------------



雷公云調榮衛助穀氣是也

菜部

荊芥穗

氣溫 味辛苦

本草云辟邪毒利血脉通宣五臟不足氣能發汗除  
勞渴杵和醋封毒腫去枝梗手搓碎用治產後血暈  
如神動渴疾多食薰五臟神破結氣

生薑

欽定四庫全書

湯液本草

氣溫 味辛 辛而甘微溫 氣味俱輕

陽也無毒

象云主傷寒頭痛鼻塞欬逆上氣止嘔吐治痰嗽生  
與乾同治與半夏等分治心下急痛鎡細用

心云能制半夏厚朴之毒發散風寒益元氣大棗同  
用辛溫與芍藥同用溫經散寒嘔家之聖藥也辛以  
散之嘔為氣不散也此藥能行陽而散氣

珍云益脾胃散風寒久服去臭氣通神明



孫真人云為嘔家之聖藥

或問東垣曰生薑辛溫入肺如何是入胃口曰俗皆以心下為胃口者非也咽門之下受有形之物係胃之系便為胃口與肺同處故入肺而開胃口也又問曰人云夜間勿食生薑食則令人閉氣何也曰生薑辛溫主開發夜則氣本收斂反食之開發其氣則違天道是以不宜食此以平人論之可也若有病則不然薑屑比之乾薑不熱比之生薑不潤以乾生薑代

欽定四庫全書

湯液本草

乾薑者以其不僭故也

本草云秦椒為之使殺半夏莨菪毒惡黃芩黃連天鼠糞

乾薑

氣熱 味大辛 辛大熱 味薄氣厚

陽中之陽也 辛溫無毒

象云治沉寒痼冷腎中無陽脉氣欲絕黑附子為引用水煎二物名薑附湯亦治中焦有寒水洗慢火炮



心云發散寒邪如多用則耗散元氣辛以散之是壯火食氣故也須以生甘草緩之辛熱裏寒散陰寒肺寒與五味同用治嗽以勝寒虻正氣虛者散寒與人參同補藥溫胃腹中寒其平辛熱

珍云寒淫所勝以辛散之經炮則味苦

本草云主曾滿欬逆上氣溫中止血出汗逐風濕痺腸癖下痢寒冷腹痛中惡霍亂脹滿風邪諸毒皮膚間結氣止唾血生者尤良主曾滿溫脾燥胃所以理

欽定四庫全書

湯液本草

中其實主氣而泄脾

易老云乾薑能補下焦去寒故四逆湯用之乾薑本味辛及見火候稍苦故止而不移所以能治裏寒非若附子行而不止也理中湯用此者以其四順也或云乾薑味辛熱人言補脾今言泄而不言補者何也東垣謂泄之一字非泄脾之正氣也是泄脾中寒濕之邪故以薑辛熱之劑燥之故曰泄脾也

薄荷



氣溫 味辛苦 辛涼 無毒	手太陰經厥陰經藥	象云能發汗通骨節解勞乏與薤相宜新病瘥人勿多食令虛汗出不止去枝梗槎碎用	心云上行之藥	陳士良云能引諸藥入榮衛又主風氣壅併	葱白	氣溫 味辛 無毒	欽定四庫全書 湯液本草	入手太陰經	足陽明經	液云以通上下之陽也活人書傷寒頭痛如破連鬚葱白湯主之	心云通陽氣辛而甘氣厚味薄陽也發散風邪	本草云葱實主明目補中不足其莖白平可作湯主傷寒寒熱出汗中風面目腫傷寒骨肉痛喉痺不通	安胎歸心除肝邪氣安中利五臟益目精殺百藥毒
--------------	----------	------------------------------------	--------	-------------------	----	----------	----------------	-------	------	---------------------------	--------------------	--	----------------------



葱根主傷寒頭痛葱汁平溫主溺血解藜蘆毒
韭白
氣溫 味辛 微酸 無毒
本草云歸心安五臟除胃中熱利病人可久食子主
夢泄精溺白根養髮陰物變為陽
薤白
氣溫 味苦辛 無毒
入手陽明經
欽定四庫全書
湯液本草
本草云主金瘡瘡敗輕身不飢耐老除寒熱去水氣
溫中散結利病人諸瘡中風寒水腫以此塗之下重
者氣滯也四逆散加此以泄氣滯
心云治泄痢下重下焦氣滯泄滯氣
瓜蒂
氣寒 味苦 有毒
本草云治大水身面四肢浮腫下水殺蠱毒效逆上
氣及食諸果病在胃腹中者皆吐下之去鼻中息肉





<p>療黃疸鼻中出黃水除偏頭疼有神頭目有濕宜此 瓜蒂苦以治脅中寒與白虎同例俱見知母條下真 麝香細辛同為使治久不聞香臭仲景鈐方瓜蒂一 十四箇丁香一箇黍米四十九粒為末合水搗一字 取下</p>	<p>冬葵子</p>	<p>氣寒 味甘 無毒</p>	<p>本草云主五臟六腑寒熱羸瘦五癢利小便療婦人 欽定四庫全書 湯液本草</p>	<p>乳難內閉久服堅筋骨長肌肉輕身</p>	<p>衍義云性滑利不益人患癰癤毒熱內攻未出膿者</p>	<p>水吞三五粒遂作竅膿出</p>	<p>蜀葵花</p>	<p>冷陰中之陽</p>	<p>珍云赤者治赤帶白者治白帶赤治血燥白治氣燥</p>	<p>香薷</p>	<p>味辛微溫</p>
---	------------	-----------------	---	-----------------------	-----------------------------	-------------------	------------	--------------	-----------------------------	-----------	-------------



本草云主霍亂腹痛吐下散水腫  
炊單布

液云仲景治墜馬及一切筋骨損方中用時習補入  
米穀部

粳米

氣微寒 味甘苦 甘平無毒

入手太陰經少陰經

液云主益氣止煩止渴止泄與熟鷄頭相合作粥食

欽定四庫全書

湯液本草

之可以益精強志耳目聰明本草諸家共言益脾胃  
如何白虎湯用之入肺以其陽明為胃之經包為西  
方之白故入肺也然治陽明之經即在胃也包白味  
甘寒入手太陰又少陰證桃花湯用此甘以補正氣  
竹葉石膏湯用此甘以益不足  
衍義云平和五臟補益胃氣其功莫逮然稍生則復  
不益脾過熟則佳

赤小豆



<p>氣溫 味辛甘酸 陰中之陽 無毒</p>	<p>本草云主下水排膿寒熱熱中消渴止洩利小便吐逆卒瀉下脹滿又治水腫通健脾胃赤小豆食之行小便久食則虛人令人黑瘦枯燥赤小豆花治宿酒渴病即腐婢也花有腐氣故以名之與葛花末服方寸匕飲酒不知醉氣味平辛大豆黃卷是以生豆為藥待其芽出便曝乾用方書名黃芩皮產婦藥中用之性平</p>	<p>欽定四庫全書 湯液本草</p>	<p>黑大豆 氣平 味甘</p>	<p>本草云塗癰腫煮汁飲殺鬼毒止痛解烏頭毒除胃中熱脾傷中淋露逐水脹下瘀血久服令人身重炒令黑烟未斷熱投酒中治風痺癰瘰口噤產後諸風食罷生服半掬去心曾煩熱明目鎮心不忘惡五參龍膽得前胡烏喙杏仁牡蠣良</p>	<p>大麥蘖</p>
------------------------	--	------------------------	----------------------	---	------------



氣溫	味甘鹹	無毒	象云補脾胃虛寬腸胃先杵細炒黃取麵用
本草云能消化宿食破癥結冷氣去心腹脹滿開胃	止霍亂除煩去痰治產後祕結鼓脹不通大麥并神	麩二藥氣虛人宜服以代戊己腐熟水穀與豆蔻縮	砂木瓜芍藥五味子烏梅為之使
小麥	氣微寒	味甘	無毒
欽定四庫全書	湯液本草	本草云除熱止燥渴咽乾利小便養肝氣止漏血唾	血青蒿散有小毒百粒治大人小兒骨蒸肌熱婦人
勞熱	神麩	氣暖	味甘
入足陽明經	象云消食治脾胃食不化瀕於脾胃藥中少加之微	炒黃用	



珍云益胃氣

本草云療臟腑中風氣調中下氣開胃消宿食主霍亂心膈氣痰逆除煩破癥結及補虛去冷氣除腸胃中塞不下食令人好顏色落胎下鬼胎又能治小兒腹堅大如盤胃中滿胎動不安或腰痛搶心下血不止火炒以助天五之氣入足陽明

酒

氣大熱 味苦甘辛 有毒

欽定四庫全書

湯液本草

本草云主行藥勢殺百邪惡毒氣能行諸經不止與

附子相同味辛者能散味苦者能下味甘者居中而緩也為導引可以通引一身之氣至極高之分若味淡者則利小便而速下大海或凝惟酒不冰三人晨行遇大寒一人食粥者病一人腹空者死一人飲酒者安則知其大熱也

苦酒

一名醋 一名醪

氣溫 味酸 無毒

液云斂咽瘡主消癰腫散水氣殺邪毒予初錄本草



<p>苦酒條本經一名醯又一名苦酒如為一物也及讀</p>	<p>金匱治黃疸有麻黃醇酒湯以美清酒五升煮二升</p>	<p>苦酒也前治黃汗有黃芪芍藥桂枝苦酒湯</p>	<p>飴 即膠欬</p>	<p>氣溫 味甘 無毒</p>	<p>入足太陰經藥</p>	<p>液云補虛之止渴去血以其色紫凝如深琥珀色謂之膠飴</p>	<p>色白而枯者非膠飴即錫糖也不可入藥用中滿不宜用嘔</p>	<p>欽定四庫全書 湯液本草</p>	<p>家切忌為足太陰藥仲景謂嘔家不可用建中湯以甘故也</p>	<p>香豉 氣寒 味苦 陰也無毒</p>	<p>象云治傷寒頭痛煩躁滿悶生用</p>	<p>珍云去心中懊懣</p>	<p>本草云主傷寒頭痛寒熱傷寒初覺頭痛內熱脈洪</p>	<p>起一二日便作此加減葱豉湯葱白一虎口豉一升</p>	<p>綿裹以水三升煎取一升頓服取汗若不汗加葛根</p>	<p>三兩水五升煮二升分二服又不汗加麻黃三兩去</p>
-----------------------------	-----------------------------	--------------------------	------------------	-----------------	---------------	--------------------------------	--------------------------------	------------------------	--------------------------------	----------------------	----------------------	----------------	-----------------------------	-----------------------------	-----------------------------	-----------------------------



節
玉石部
石膏
氣寒 味苦辛微寒大寒無毒
入手太陰經少陽經
足陽明經
象云治足陽明經中熱發熱惡熱燥熱日晡潮熱自汗小便滑赤大渴引飲肌肉壯熱苦頭痛之藥白虎
欽定四庫全書
湯液本草
湯是也善治本經頭痛苦無餘證勿用
心云細裏白澤者良甘寒胃經大寒藥潤肺除熱發散陰邪緩脾益氣
珍云辛甘陰中之陽止陽明經頭痛胃弱不可服下牙痛須用香白芷
本草云主中風寒熱心下逆氣驚喘口乾舌焦不能息腹中堅痛除邪鬼產乳金瘡除時氣頭痛身熱三焦大熱皮膚熱腸胃中膈氣解肌發汗止消渴煩逆



腹脹暴氣喘息咽熱亦可作浴湯

太上云石膏發汗辛寒入手太陰也

東垣云微寒足陽明也又治三焦皮膚大熱手少陽

也仲景治傷寒陽明證身熱目痛鼻乾不得卧身已

前胃之經也胃肺之室邪在陽明肺受火制故用

辛寒以清肺所以號為白虎湯也鷄子為之使惡莽

草馬目毒公

藥性論云石膏使惡巴豆唐本註療風去熱解肌

欽定四庫全書

湯液本草

滑石

氣寒 味甘大寒 無毒

入足太陽經

象云治前陰不利性沉重能泄上氣令下行故曰滑

則利竅不可與淡滲同用白者佳杵細水飛用

本草云主身熱洩瀉女子乳難癰閉利小便蕩腸胃

積聚寒熱益精氣通九竅六腑津液去留結止渴令

人利中入足太陽滑能利竅以通水道為至燥之劑





<p>猪苓湯用滑石與阿膠同為滑利以利水道葱豉生薑同煎去粗澄清以解利淡味滲泄為陽解表利小便也若小便自利不宜以此解之</p> <p>衍義云暴吐逆不下食以生細末二錢七溫水調服後以熟麵壓之</p>	<p>砵硝</p>	<p>氣寒 味苦辛</p>	<p>象云除寒熱邪氣逐六腑積聚結痼血滯胃中食飲</p>	<p>欽定四庫全書 湯液本草</p>	<p>熱結去血閉停痰痞滿消毒揉細生用</p>	<p>盆硝 即芒硝</p>	<p>氣寒 味鹹</p>	<p>心云去實熱經云熱淫於內治以鹹寒此之謂也</p>	<p>珍云純陰熱淫於內治以鹹寒</p>	<p>本草云主五臟積聚久熱胃閉除邪氣破留血腹中痰實結轉通經脈及月水破五淋消腫毒療天行熱</p>	<p>病</p>
--	-----------	---------------	-----------------------------	------------------------	------------------------	---------------	--------------	----------------------------	---------------------	---	----------



藥性論云使味鹹有小毒通月閉癥瘕下瘰癧黃疸  
主漆瘡散惡血

聖惠方治伐指用芒硝煎湯淋漬之愈

硝石

氣寒 味甘辛一作苦辛大寒無毒又云鹹又

云甜甜微緩於鹹

液云硝石者硝之總名也但不經火者謂之生硝石

硝經火者謂之盆硝芒硝古人用辛今人用鹹辛能

欽定四庫全書

湯液本草

潤燥鹹能軟堅其意皆是老弱虛人可下者宜用若  
用此者以玄明粉代之尤佳本經謂利小便而墮胎  
傷寒妊娠可下者用此兼以大黄引之直入大腸潤  
燥軟堅瀉熱子母俱安內經云有故無殞殞亦無殞  
也此之謂歟以在下言之則便溺俱陰以前後言之  
則前氣後血以腎言之總主大小便難溺澀祕結俱  
為水少經云熱淫於內治以鹹寒佐以苦故用芒硝  
大黄相須為使也



玄明粉	氣冷 味辛甘 無毒	液云治心熱煩燥五臟宿滯癥瘕明目逐膈上虛熱 消腫毒註中有治陰毒一句非伏陽不可用若止用 此除陰毒殺人甚速牙硝條下太清鍊靈砂補注謂 陰極之精能化火石之毒 仙經云陰中有陽之物	硫黃	欽定四庫全書 湯液本草	氣溫大熱 味酸 有毒	本草云主婦人陰蝕疽痔惡血堅筋骨除頭癢療心 腹結聚邪氣冷痺在脇欬逆上氣脚冷疼弱無力及 鼻衄惡瘡下部蠶瘡止血殺疥蟲	液云如太白丹佐以硝石來復丹用硝石之類至陽 佐以至陰與仲景白通湯佐以人溺猪膽汁大意相 同所以去格拒之寒兼有伏陽不得不爾如無伏陽 只是陰證更不必以陰藥佐之也硫黃亦號將軍功
-----	-----------	---	----	----------------	------------	---	--



破邪歸正返滯還清挺出陽精消陰化魄生魂	雄黃	氣溫寒	味苦甘	有毒	本草云主寒熱鼠癩惡瘡疽痔死肌疥蟲蠶瘡目痛 鼻中息肉及絕筋破骨百節中大風積聚癖氣中惡 腹痛鬼症	赤石脂	氣大溫	味甘辛酸	無毒	欽定四庫全書 湯液本草	本草云主養心氣明目益精療腹痛泄痢下利赤白 小便利及癰疽瘡痔女子崩中漏下產難胞衣不下 久服補髓好顏色益志不飢輕身延年五色石脂各 入五臟補益	東垣云赤石脂白石脂並溫無毒畏黃芩芫花惡大 黃	本經云澁可去脫石脂為收斂之劑胞衣不出澁劑 可以下之赤入丙白入庚
--------------------	----	-----	-----	----	--	-----	-----	------	----	----------------	---	---------------------------	------------------------------------



珍云赤白石脂俱甘酸陽中之陰固脫	心云甘溫篩末用去脫澁以固腸胃	局方本草云青石脂養肝膽氣明目黑石脂養腎氣	強陰主陰蝕瘡黃石脂養脾氣除黃疸餘與赤白同	功	禹餘糧	氣寒 味甘 無毒	本草云主效逆寒熱煩滿下痢赤白血閉癥瘕大熱	欽定四庫全書 湯液本草	本經云重可去怯禹餘糧之重為鎮固之劑	本草註云仲景治傷寒下痢不止心下痞硬利在下	焦者赤石脂禹餘糧湯主之赤石脂禹餘糧各一斤	並碎之以水六升煎取二升去粗分二服	雷公云看如石輕賦便碎可如粉也兼重重如葉子	雌黃此能益脾安五臟	代赭石 氣寒 味苦甘 無毒一名須丸出姑幕者
-----------------	----------------	----------------------	----------------------	---	-----	----------	----------------------	----------------	-------------------	----------------------	----------------------	------------------	----------------------	-----------	--------------------------



名須丸出代郡者名代赭
入手少陰經
足厥陰經
本草云主鬼疰賊風蠱毒殺精物惡鬼腹中毒邪氣 女子赤沃漏下帶下百病產難胞衣不出墮胎養血 除五臟血脉中熱血痺血瘀大人小兒驚氣入腹及 陰痿不起
聖濟經云怯則氣浮重則所以鎮之怯乃亦驚也
欽定四庫全書 湯液本草
鉛丹
氣微寒 味辛黃丹也
本草云主吐逆反胃驚癇癩疾除熱下氣止小便利 除毒熱筋攣金瘡溢血又能鎮心安魂止吐血
本經云澁可去脫而固氣
成無已云鉛丹收斂神氣以鎮驚也
藥性論云君治消渴煎膏止痛生肌
白粉



<p>芍藥共療心中結氣得天雄菖蒲共療霍亂長石為</p>	<p>散癰腫令人悅澤久服溫中輕身延年得茯苓人參</p>	<p>氣不足定驚悸安魂魄填下焦止消渴除胃中久寒</p>	<p>絕孕十年無子療上氣心腹痛寒熱邪氣結氣補心</p>	<p>本草云主心腹欬逆邪氣補不足女子風寒在子宮</p>	<p>足厥陰經</p>	<p>入手少陰經</p>	<p>氣溫 味甘辛 無毒</p>	<p>欽定四庫全書 湯液本草</p>	<p>紫石英</p>	<p>為度為其殺蟲而止痢也</p>	<p>陳藏器云主久痢成疳粉和水及鷄子白服以糞黑</p>	<p>不消炒焦止小兒疳痢</p>	<p>藥性論云胡粉使又名定粉味甘辛無毒能治積聚</p>	<p>治胃中塞誤寫作寒字</p>	<p>用白粉非此白粉即白米粉也黃延非治胃中寒是</p>	<p>本草云一名胡粉一名定粉一名瓦粉仲景猪膚湯</p>
-----------------------------	-----------------------------	-----------------------------	-----------------------------	-----------------------------	-------------	--------------	------------------	------------------------	------------	-------------------	-----------------------------	------------------	-----------------------------	------------------	-----------------------------	-----------------------------



之使畏扁豆附子不欲鮫甲黃連麥句薑
衍義云仲景治風熱癩癧風引湯紫石英寒水石石
膏乾薑大黃龍齒牡蠣甘草滑石等分右咬咀以水
一升煎去三分食後量多少溫呷之不用粗立效
伏龍肝
氣溫 味辛
時習云主婦人崩中吐血止欬逆吐血消癰腫
衍義云婦人惡露不止蠶沙一兩炒伏龍肝半兩同
欽定四庫全書 湯液本草
為末溫酒調空心服三二錢以止為度
藥性論云單用亦可鹹無毒
日華子云熱微毒治鼻洪腸風帶下血崩泄精尿血
催生下胎及小兒夜啼一云治心痛及中風心煩
陶隱居云此竈中對釜月下黃土也
白礬
氣寒 味酸 無毒 本草云主寒熱泄瀉下痢白沃隱蝕惡瘡消痰止渴





除痼熱治咽喉閉目痛堅骨齒
藥性論云使有小毒生含嚙津治急喉痺
硃砂
味甘
珍云心熱者非此不能除
局方本草云丹硃味甘微寒無毒養精神安魂魄益
氣明目通血脉止煩渴
藥性論云君有大毒鎮心抽風
欽定四庫全書 湯液本草
日華子云涼微毒潤心肺惡磁石畏鹹水
硃砂
味鹹
本草云破堅癖毒不用入羣隊用之味鹹苦辛溫有
毒不宜多服主積聚破結血爛胎止痛下氣療欬嗽
宿冷去惡肉生好肌柔金銀可為錐藥
藥性論云有大毒畏漿水忌羊血味酸鹹能腐壞人
腸胃生食之化人心為血能除冷病大益陽事



<p>日華子云北庭砂味辛酸暖無毒畏一切酸補水臟 煖子宮消冷痺瘀血宿食氣塊瘰癧及婦人血氣心 痛血崩帶下凡修製用黃丹石灰作置煨赤使用無 毒柔金銀驢馬藥亦用</p>
<p>東流水</p>
<p>味平 無毒</p>
<p>時習云千里水及東流水主病後虛弱揚之萬過煮 藥收禁神效二者皆堪蕩滌邪穢此水潔淨誠與諸 藥不同為雲母所畏鍊雲母粉用之</p>
<p>甘爛水</p>
<p>時習云揚之水上成珠者是也治霍亂及入膀胱治 奔豚藥用之殊勝</p>
<p>禽部</p>
<p>鷄子黃</p>
<p>氣溫 味甘</p>
<p>本草云陰不足補之以血若咽有瘡鷄子一枚去黃</p>



<p>苦酒傾殼中以半夏入苦酒中取殼置刀環上熬微沸云粗旋旋呷之又主除熱火瘡癩瘻可作琥珀神物黃和恒山朱為丸竹葉湯服治久瘡不差黃合鬚髮煎消為水療小兒驚熱下痢</p>
<p>獸部</p>
<p>龍骨</p>
<p>氣平微寒 味甘陽也 無毒</p>
<p>本草云主心腹鬼疰精物老魅欬逆泄痢膿血女子</p>
<p>欽定四庫全書 湯液本草</p>
<p>漏下癥瘕堅結小兒熱氣驚癇療心腹煩滿四肢痿</p>
<p>枯汗出夜卧自驚恚怒伏氣在心下不得喘息腸癰</p>
<p>內疽陰蝕止汗縮小便溺血養精定魂魄安五臟</p>
<p>本經云澁可去脫而固氣</p>
<p>成無已云龍骨牡蠣鉛丹皆收斂神氣以鎮驚丸用</p>
<p>燒通赤為粉畏石膏</p>
<p>珍云固大腸脫</p>
<p>麝香</p>



氣溫 味辛 無毒	本草云主辟惡氣殺鬼精物療溫瘧蠱毒癩瘡去三尸蟲療諸凶邪鬼氣中惡心腹暴痛脹急痞滿風毒婦人產難墮胎	牛黃	氣平 味苦 有小毒	本草云主驚癇寒熱熱盛狂瘵逐鬼除邪療小兒百病諸癇熱口噤不開大人癲狂及墮胎久服令人不	欽定四庫全書 湯液本草	忘又云磨指甲上黃者為真又云定魂魄人參為使得牡丹菖蒲利耳目惡龍骨龍膽地黃畏牛膝	犀角	氣寒 味苦酸鹹微寒 無毒	象云治傷寒溫疫頭痛安心神止煩亂明目鎮驚治中風失音小兒疝豆風熱驚癇鏹用	本草云主百毒蠱疰邪鬼瘴氣殺鈎吻鵠羽蛇毒除邪不迷惑心智療傷寒溫疫頭痛寒熱諸毒氣能治
----------	--	----	-----------	--	----------------	--	----	--------------	------------------------------------	--



一切瘡腫破血	液云升麻代犀角說並見升麻條下易老療畜血分	三部上焦畜血犀角地黄湯中焦畜血桃仁承氣湯	下焦畜血抵當湯丸丸但緩於湯耳三法的當後之	用者無以復加	阿膠	氣微温 味甘辛 無毒 甘辛平	味薄氣厚升也陽也	欽定四庫全書 湯液本草	入手太陰經	足少陰經厥陰經	象云主心腹痛內崩補虛安胎堅筋骨和血脉益氣	止痢炮用	心云補肺金氣不足除不足甘温補血出東阿得火	良	本草云主心腹內崩勞極洒洒如瘧狀腰腹痛四肢 酸痛女子下血安胎丈夫小腹痛虛勞羸瘦陰氣不
--------	----------------------	----------------------	----------------------	--------	----	----------------	----------	----------------	-------	---------	----------------------	------	----------------------	---	--



<p>足脚酸不能久立養肝氣益安氣肺虛極損欬唾 膿血非阿膠不補仲景猪苓湯用阿膠滑以利水道 活人書四物湯加減例妊娠下血者加阿膠</p>
<p>猪膚 氣寒 味甘 入足少陰經</p>
<p>液云猪皮味甘寒猪水畜也其氣先入腎解少陰客 熱是以猪膚解之加白蜜以潤燥除煩白粉以益氣</p>
<p>欽定四庫全書 湯液本草</p>
<p>斷痢 猪膽汁</p>
<p>氣寒 味苦鹹苦寒</p>
<p>液云仲景白通湯加此汁與人尿鹹寒同與熱劑合 去格拒之寒又與醋相合內穀道中酸苦益陰以潤 燥瀉便</p>
<p>本經云治傷寒熱渴又白猪蹄可用雜青色者不可 食療疾亦不可</p>



心云與人尿同體補肝而和陰引置陽不被格拒能入心而通脉

獺肝

味甘 有毒

本草云主鬼疰蠱毒却魚鯁止久嗽燒灰服之

獾鼠糞

治傷寒勞復經言牡鼠糞兩頭尖者是或在人家諸

物中遺者

欽定四庫全書

湯液本草

人尿

時習云療寒熱頭疼温氣童男子者尤良

衍義云人尿須用童男者產後温一杯壓下敗血惡

物久服令人反虛氣血無熱尤不可多服此亦性寒

故治熱勞方中亦用也

日華子云小便涼止勞渴嗽潤心肺療血悶熱狂撲

損瘀血暈絕及蛇犬等咬以熱尿患處難產胞衣不

下即取一升用薑葱煎乘熱飲即下



蟲部

牡蠣

氣微寒 味鹹平

入足少陰

象云治傷寒寒熱溫瘧女子帶下赤白止汗止心痛  
氣結澁大小腸治心脇痞燒白杵細用

珍云能軟積氣之痞經曰鹹能軟堅

心云鹹平熬泄水氣

欽定四庫全書

湯液本草

本草云主傷寒熱溫瘧洒洒驚恚怒氣除拘攣鼠瘻  
女子帶下赤白除留熱在關節榮衛虛熱往來不定  
煩滿止汗心通氣結止渴除老血澁大小腸止大小  
便療泄精喉痺欬嗽心脇下痞熱能去癰癰一切瘡  
腫入足少陰鹹為軟堅之劑以柴胡引之故能去脇  
下之硬以茶引之能消結核以大黄引之能除股間  
腫地黄為之使能益精收澁止小便本腎經之藥也  
久服強骨節殺邪鬼延年貝母為之使得甘草牛膝





遠志蛇床子良惡麻黃吳茱萸辛夷
藥性論云君主之劑治女子崩中止血及盜汗除風
熱定痛治溫瘧又和杜仲服止盜汗為末蜜丸服三
十九丸令人面光白永不值時氣又治鬼交精出病人
虛而多熱加用之并地黃小草
陳士良云牡蠣搗粉粉能治大人小兒盜汗和麻黃
根蛇床子乾薑為粉粉去陰汗衍義意同
文蛤
欽定四庫全書 湯液本草
氣平 味鹹 無毒
本草云主惡瘡蝕五痔欬逆胃痺腰痛脇急鼠瘻大
孔出血崩中漏下能利水治急疔蝕口鼻數日盡欲
死燒灰臘猪脂和塗之墜痰軟堅止渴收澁固濟蛤
粉也鹹能走腎可以勝水文蛤尖而有紫斑
蜜蟲
氣微寒 味苦平 有毒
本草云主目中赤痛眥傷淚出瘀血血間寒熱酸



無子炒去翅足

水蛭

一名馬蝗

氣微寒

味鹹苦平

有毒

本草云主逐惡血瘀血月閉破血癥積聚無子利水道墮胎炒用畏鹽苦走血鹹勝血仲景抵當湯用蠶蟲水蛭鹹苦以泄畜血故

經云有故無損也雖可用之亦不甚安莫若四物湯加酒浸大黃各半下之極妙

欽定四庫全書

湯液本草

塵蟲

味鹹寒

有毒

本草云主心腹寒熱洒洒血積癥瘕破堅下血閉生子大良仲景主治久癥積結有大黃塵蟲丸  
衍義云乳汁不行研一枚水半合濾清汁服勿令服藥人知之

鼠婦

氣溫

微寒

味酸

無毒



<p>本草云主氣癰不得小便婦人月水閉血癥癰瘕寒熱利水道仲景治久瘧大驚甲丸中使之以其主寒熱也</p>	<p>衍義云鼠婦濕生蟲也</p>	<p>蜘蛛</p>	<p>微寒</p>	<p>本草云主大人小兒癩疔七月七日取其網療喜忘仲景治雜病狐疝偏有大小時時上下者蜘蛛一十</p>	<p>欽定四庫全書 湯液本草</p>	<p>四箇熬焦桂半兩研細為散八分匕酒調服日再蜜丸亦通</p>	<p>蟻螯</p>	<p>微寒微溫 味鹹 有毒</p>	<p>本草云主惡血血癢痺氣破折血在脇下堅滿痛月閉目中淫膚青翳白膜吐血在胃中不去及破骨踠折血結金瘡血塞產後中寒下乳汁仲景治雜病大</p>	<p>黃廔蟲丸中用之以其主脇下堅滿也續傳信方治</p>
---	------------------	-----------	-----------	---	------------------------	--------------------------------	-----------	-------------------	---	-----------------------------



蜜

喉痺取蟲汁點在喉中下即喉開也時習補入

氣平微溫 味甘 無毒

本草云主心腹邪氣諸驚癇瘥安五臟諸不足益氣  
補中止痛解毒除衆病和百藥養脾氣除心煩飲食  
不下止腸澼飢中疼痛口瘡明耳目  
液云凡煉蜜必須用火熬開以紙覆經宿紙上去蠟  
盡再熬色變不可過度令熟入藥

欽定四庫全書

湯液本草

蜚蠊

氣寒 味酸 有毒

本草云治小兒驚風癱瘓腹脹寒熱大人癩疾狂易  
手足端寒支滿奔豚

日華子云墮胎治疰忤和乾薑傳惡瘡出箭頭

圖經云心主丁瘡

衍義云大小二種一種大者為胡蠅娘身黑光腹翼  
下有小黃子附母飛行晝不出夜方飛至人家戶庭



<p>中見燈光則來一種小者身黑暗晝方飛出夜不出 今當用胡蛻娘以其小者研三十枚以水灌牛馬腸 結佳</p>	<p>鱉甲</p>	<p>氣平 味鹹 無毒</p>	<p>本草云主心腹癥瘕堅積寒熱去鼻中瘕肉陰蝕痔 惡肉療溫瘧血瘕腰痛小兒脇下堅 衍義云治勞嗽除骨蒸佳</p>	<p>欽定四庫全書 湯液本草</p>	<p>蛇蛻</p>	<p>心云云翳膜用之取其意也 日華子云止嘔逆小兒驚悸客忤催生癰瘍白癩風 煎汁傳入藥灸用</p>	<p>蟬蛻</p>	<p>心云治同蛇蛻</p>	<p>藥性論云使治小兒渾身壯熱驚癇兼能止渴又云 其蛻殼頭上有一角如冠狀謂之蟬花最佳味甘寒</p>
---	-----------	-----------------	---	------------------------	-----------	---	-----------	---------------	--



無毒主小兒天吊驚癇瘈瘲夜啼心悸 白殭蠶	味鹹辛平 無毒	本草云主小兒驚癇夜啼去三蟲滅黑黧令人面色 好男子陰瘍病女子崩中赤白產後餘痛滅諸癩痕 生潁川平澤四月取自死者勿令中濕濕中有毒不 可用	斑猫	欽定四庫全書 湯液本草	味辛寒 有毒	本草云主寒熱鬼疰蠱毒鼠瘻疹癬惡瘡疽蝕死肌 破石癰血積傷人肌墮胎畏巴豆	烏蛇	無毒	本草云主諸風瘙□疹疥癬皮膚不仁頑痺諸風用 之炙入丸散浸酒合膏背有三稜色黑如漆性善不 噬物江東有黑稍蛇能纏物至死亦是其類生商洛
------------------------	---------	--	----	----------------	--------	---------------------------------------	----	----	--



山	五靈脂	味甘温 無毒	本草云主療心腹冷氣小兒五疳辟疫治腸風通利氣脉女子月閉出北地此是寒號蟲糞也	紺帛	液云主惡瘡丁腫毒腫諸瘡有根者作膏用帛如手大取露蜂房攪頭棘刺爛草節二寸許亂髮燒末作	欽定四庫全書 湯液本草	膏主丁瘡腫又主小兒初生臍未落時腫痛水出燒為末細研傅之又五色帛主盜汗拭乾訖棄五道頭仲景治墜馬及一切筋骨損方中用	湯液本草卷下
---	-----	--------	--------------------------------------	----	--	----------------	--	--------

